

四庫全書

經部

欽定四庫全書

經部

左傳杜林合注卷八

三

詳校官監察御史_臣祝德麟

給事中_臣溫常綬覆勘

總校官編修_臣王燕緒

校對官員外_臣張慎和

騰錄監生_臣江右端

欽定四庫全書

左傳杜林合注卷三

明

王道焜

趙如源 同編

桓公

公名軌惠公之子陸公之弟弑兄自立史記亦名允謚法辟土服遠曰桓

周

桓王九年○魯桓公十一年桓王崩子莊王立

鄭

莊公三十三年○魯桓公十一年莊公卒子昭公忽立是年忽奔衛厲公突立桓十五年厲公奔蔡昭公

歸鄭秋鄭伯突亡子櫟桓十七年昭公弑立子瑩桓十八年齊秋瑩鄭祭仲立子儀

齊

僖公二十二年○魯桓公十四年僖公卒子襄公諸兒立

宋

陽公九年○魯桓公二年
年陽公弒莊公馮立

晉

翼哀侯七年魯桓公二年哀侯侵陘庭陘庭與曲沃武公謀桓三年曲沃伐翼獲哀侯晉人立其子小子侯桓七年曲沃武公殺小子侯桓八年曲沃滅翼曲沃武公五年王命執仲立晉哀侯之弟緡于晉

衛

宣公八年○魯桓公十二年宣公卒惠公朔立桓十六年惠公奔齊公子黔牟立

蔡

桓侯四年○魯桓公十七年桓侯卒子哀侯獻舞立

曹

桓公四十六年○魯桓公十年曹桓公卒莊公射姑立

滕

詳見隱公元年

陳

桓公三十四年○魯桓公五年陳桓公卒陳佗殺大子免而自立桓六年蔡人殺陳佗厲公雖立桓十二

年厲公卒
莊公林立

杞

武公詳見
隱公元年

薛

詳見隱
公元年

莒

詳見隱
公元年

邾

儀父詳見
隱公元年

許

許叔詳見隱公元年○魯桓公十五年許叔入于許

小邾

詳見隱
公元年

楚

武王三十年○魯桓公六年伐隨使隨請周尊楚號
周室不聽還報楚桓公八年熊通怒自立為楚武王

與隨人盟而去詳見莊公四年傳註

秦

詳見隱公元年

吳

詳見隱公元年

越

詳見隱公元年

經

庚午

元年春王正月公即位

杜嗣子位定於初喪而改元必湏踰年者繼父之業

成父之志不忍有變於中年也諸侯每首歲必有禮於廟諸遭喪繼位者因此而改元正位百官以序故國史亦書即位之事於策桓公篡立而用常禮欲自同於遭喪繼位者釋例論之脩矣林春秋自隱至文六君惟桓文書即位亦惟桓文書錫命請命之禮廢矣成公以後皆書即位而無錫命王室感諷諸侯之意不復講也

○三月公會鄭伯于垂鄭伯以璧假許田

林假不返也。假舉下反。

○夏四月丁未公及鄭伯盟于越

杜公以墓立而修好於鄭鄭因而迎之成

禮於垂終易二田然後結盟垂大丘銜地也越近垂地名鄭求祀周公魯聽受祊田令鄭廢泰山之祀知其非禮故以璧假為文時○秋大水

杜書災也傳例曰凡○平原出水為大水

冬十月

傳元年春公即位脩好于鄭鄭人請復祀周公卒易祊

田

林隱公八年鄭人請釋泰山之祀而祀周公以泰山之祊易許田魯雖已入祊而猶未肯易許田故鄭人

復請祀周公之別廟在許者公許之三月鄭伯以璧假

以成易祊之約○復扶又反

許田為周公枋故也

杜魯不宜聽鄭祀周公又不宜易取枋田犯二不宜以動故隱其實

不言枋稱壁假言若進壁以假田非久易也林周公枋二事也為許為周公湯沐之邑枋為鄭人從祀泰山朝

宿之邑皆有闢王制不宜私易故託辭壁假以文其非禮之實也○為于偽反○夏四月丁未

公及鄭伯盟于越結枋成也

結成易二田之事也傳以經不書枋故獨見枋盟

曰渝盟無享國

杜渝變也林變此盟誓則不能長享其國家○渝羊朱反享許丈反○秋

大水凡平原出水為大水

林廣平曰原凡廣平之原皆出水則為水災

○冬

鄭伯拜盟

杜鄭伯若自來則經不書若遣使則當言鄭人不得稱鄭伯疑謬誤林鄭莊公拜謝于越

之盟或親來或遣使皆不可考

○宋華父督見孔父之妻于路

杜華父督宋戴

公孫也。孔父嘉，孔子六世祖。林督見孔父之妻于道路之間，治容誨淫，可知。○華戶化反。大夫氏也。後皆同督。

音萬

目逆而送之曰美而豔。

○杜色美曰豔。豔以晴反。

經辛未二年春王正月戊申，宋督弑其君與夷及其大夫。

孔父

杜稱督以弑罪在督也。孔父稱名者，內不能治其圍門外，取怨於民身死而禍及其君。林殤公弑莊。

立公

○滕子來朝。

無傳。隱十一年稱侯，今稱子者，蓋時王所黜。

○三月公會齊。

侯陳侯鄭伯于稷，以成宋亂。

杜成平也。宋有弑君之亂，故為會欲以平之。稷，宋地。

○夏四月，取郕大鼎于宋。戊申，納于大廟。

杜宋以鼎賂公。大廟，周公。

廟也。始欲平宋之亂，終於受賂，故備書之。戊申，五月十日。○郕，古報反。大廟，音泰。傳大廟，倣此。

○秋七。

月杞侯來朝

杜公即位而來朝

○蔡侯鄭伯會于鄧

杜陵縣西南名

有鄧城林此懼楚之始也蔡鄭鄧三國為會以懼楚也

○九月入杞

杜不稱主帥微者也弗地

曰○公及戎盟于唐冬公至自唐

杜傳例曰告于廟也特相會故致地也凡

公行還不書至者皆不告廟也隱不書至諫不敢自同於正君書勞策勲林此書至會之始

傳二年春宋督攻孔氏殺孔父而取其妻公怒督懼遂

弑殤公君子以為有無君之心而後動於惡

杜雖有君若無

也林督雖有君心實無之而後動惡念以殺孔父無所忌憚也

故先書弑其君

林據弑君在殺

孔父後而經書弑君及孔父故傳以此釋之

會于稷以成宋亂為賂故立華

氏也

杜經稱平宋亂者蓋以魯君受賂立華氏貪縱之甚惡其指斥故違言始與齊陳鄭為會之本意也

傳言為賂故立華氏明經本書平宋亂為公諱諱在受

賂立華氏也猶璧假許田為周公祊故所謂婉而成章

督未死而賜族督之

宋殤公立十年十一戰

杜殤公以隱四年立

妄也○為于偽反

十一戰皆在隱公世

民不堪命

林宋之民皆不堪殤公爭戰之命

孔父嘉為司馬

督為大宰故因民之不堪命先宣言曰司馬則然

杜言公之

數戰則司馬使爾嘉孔父字○大音泰

已殺孔父而弑殤公名莊公于鄭

而立之以親鄭

杜穆公之子馮也隱三年出居于鄭馮八宋不書不告也○立之以為君因莊

公以親以部大鼎賂公

杜部國所造器也故繫命於部濟陰成武縣東南有北部城

齊陳鄭皆有賂故遂相宋公

林曹殺諸侯皆有賂也言督所以相宋莊公。相息

亮○夏四月取郕大鼎于宋戊申納于大廟非禮也

言林

受弑逆者之路器而納于大廟以汙祖宗之盛德非禮之甚也

臧哀伯諫曰

臧哀伯魯大夫僖伯

之君仁者將昭德塞違以臨照百官猶懼或失之故昭

令德以示子孫

杜謂為人之君者將昭明善德閉塞惡邪以此道臨照百官如日月之照臨猶

恐或失其道故昭明美德以示其子孫

是以清廟茅屋

以茅飾屋著儉也清廟肅然清淨之

稱也大路越席

大路玉路祀天車也越席結草。越戶括反

大羹不致

大羹肉汁不致

五味粢食不鑿

杜泰援曰粢不指鑿。粢音咨食音嗣餅也鑿子洛反精米也字林作穀子沃反云

襦宋一解昭其儉也杜此四者衮冕黻珽杜衮畫木也

○衮以蔽膝也珽玉笏也若今吏之持簿帶裳幅舄帶草

衣下曰裳幅若今行膝者衡紃紃衡維持冠者紃冠

而上者紃冠上覆紃多敢反字林丁昭其度也杜尊

有制藻率鞞鞞杜藻率以韋為之所以藉玉也王五采

鞞下飾○率音律鞞鞞紳帶也一名大帶厲

游纓在馬膺前如索鞞昭其數也杜尊卑火龍黼黻杜

畫火也龍畫龍也白與黑謂之黼形若斧黑與青昭其

謂之黻兩已相戾林此上衣下裳之飾○黼音甫昭其

文也

杜以文章明貴賤

五色比象昭其物也

杜車服器械之有五色皆以比象天

地四方以示器物不虛設○比并是反

錫鸞和鈴昭其聲也

錫在馬額鸞在鑣和在衡

鈴在旂動皆有鳴聲○錫音揚馬面當盧

三辰旂旗昭其明也

杜三辰日月星也畫於旂

旗象天之明

夫德儉而有度登降有數文物以紀之聲明以

發之以臨照百官百官於是乎戒懼而不敢易紀律今

滅德立違而寘其賂器於大廟以明示百官百官象之

其又何誅焉

林夫人君之德儉而有尊卑之制度不為苦節之儉尊卑有降殺之數則不為上下

無別文章器物所以紀載此德也德聲大明所以發揚此德也以此德照臨百官然後百官有所戒謹恐懼而

不敢變易國家之紀綱法律桓公受賂滅其善德而立
違邪之臣華督寘其所賂郕鼎之器於魯之大廟以賄
賂明示於百官上所好者下必甚焉故百官從
而象法之不可復誅責也。寘之豉反置也 國家之

敗由官邪也官之失德寵賂章也郕鼎在廟章孰甚焉

林言國家所以敗由百官之違邪也百官之所以至失
正德而違邪者由寵臣之受賄賂章明無所忌憚也今
桓公以郕鼎納于大廟賄賂
章明孰甚於此。邪似差反 武王克商遷九鼎于雒邑

杜九鼎殷所受夏九鼎也武王克商乃營雒邑而後去
之又遷九鼎焉時但營雒邑未有都城至周公乃卒營
雒邑謂之王城即今河南城也故傳曰成王定鼎于郊
鄒林九鼎夏禹所鑄三代相傳以為有國之寶故武王
克商遷九鼎于成周之雒 義士猶或非之而況將昭違
邑焉。雒音洛本亦作洛

亂之賂器於大廟其若之何

林義士伯夷之屬猶或不以武王為是而況昭明受

亂人之賂器納之大廟其何以治國家照臨百官

公不聽周內史聞之曰臧孫

達其有後於魯乎君違不忘諫之以德

杜內史周大夫官也僖伯諫隱

觀魚其子哀伯諫桓納鼎積善之家必有餘慶故曰其有後於魯林周內史聞其事而美之曰臧哀伯其後必有餘慶於魯君有違邪之事不忘以德諫其君 ○秋七月杞侯來朝不敬杞侯

歸乃謀伐之

林公即位而來朝行禮不恭朝畢歸國謀伐杞以討不恭之罪

○蔡侯鄭

伯會于鄧始懼楚也

杜楚國今南郡江陵縣北紀南城也楚武王始僭號稱王欲害中國

蔡鄭姬姓近楚故懼而會謀

○九月入杞討不敬也

林討來朝不敬

○公及

戎盟于唐修舊好也

杜惠隱之好
好呼報反

○冬公至自唐告于

廟也凡公行告于宗廟反行飲至舍爵策勲焉禮也

杜爵

飲酒器也既飲置爵則書勲勞於策言連紀有功也林
凡公出行謂盟會征伐之役告于祖宗之廟反自行役

告至于廟而飲酒教者皆出特相會往來稱地讓事也

杜特相會公與一國會也會必有主二人獨會則莫肯
為主兩讓會事不成故但書地林往出會也來告至也

稱地如會于唐自參以上則往稱地來稱會成事也

林自

參國以上言會于某至自會成會事
也○參七南反亦音三上時掌反

○初晉穆侯之夫

人姜氏以條之役生太子命之曰仇

杜條晉地太子文
侯也意取於戰相

仇怨林穆侯七年戰條以是
年生大子文侯○仇音求

其弟以千畝之戰生命之

曰成師

杜桓叔也西河界休縣南有地名千畝意取能
成其衆林穆侯十年戰千畝有功以是年又生

子

師服曰異哉君之名子也

師服晉大夫○名如字或彌政反

夫名以

制義

杜名之必可言也林義者
宜也名子以制其宜也

義以出禮

杜禮從義出
林得其宜則

禮敬生故義
所以出禮

禮以體政

杜政以禮成林政者正也禮者
天下之正位故禮所以體政

政以正民是以政成而民聽易則生亂

杜反易禮義
則亂生也

嘉

耦曰妃怨耦曰仇古之命也

杜自古有此言林嘉善之
配耦則名之曰妃怨讐之

配耦則名之曰仇古之命名
如此○耦五口反妃步非反

今君命大子曰仇弟曰成

師始兆亂矣兄其替乎

杜穆侯愛少子桓叔俱取於戰以為名所附意異故師服知桓

叔之黨必盛於晉以傾宗國故因名以諷諫林穆侯以怨仇之意名天子以得衆之義名其次子嫡庶之名反

逆晉國之亂始兆於此矣○替他計反廢也

惠之二十四年晉始亂故封桓

叔于曲沃

杜惠魯惠公也晉文侯卒子昭侯元年危不自安封成師為曲沃伯林危不自安故曰始

亂靖侯之孫欒賔傳之

靖侯桓叔之高祖父言得貴寵公孫為傅相○靖才并反樂力

官反師服曰吾聞國家之立也本大而末小是以能固

林國

家之所以能植立者根本强大而枝葉弱小末枝葉也以大制小故能安固

故天子建國

林惟

天子至尊得建立公侯伯子男五等諸侯之國

諸侯立家

林諸侯位卑故但可立卿大夫之家卿

置側室

杜側室衆子也
得立此一官

大夫有貳宗

杜適子為小宗次
者為貳宗以相輔

貳

士有隸子弟

士卑自以其
子弟為僕隸

庶人工商各有分親皆有

等衰

杜庶人無復尊卑以親疏為分別也衰殺也林庶
人為農者工執技藝者商行商貿遷有無者各有

親疏以相分別自天子至於庶人各有等第降殺此皆
本大而末小所以辨上下定民志也○分扶問反又如

字親七刃反又是以民服事其上而下無覲覲

林民志
素定故

能盡心力以事其上不敢冀望上位○覲
音冀覲羊朱反字林羊佳反說文云欲也

今晉甸侯也

而建國本既弱矣其能久乎

林晉甸侯之諸侯也而樹
建桓叔於曲沃大都耦國

是先自弱其根本矣言不父必
為曲沃所并也○甸徒練反

惠之三十年晉潘父弑

昭侯而納桓叔不克

杜潘父晉大夫也昭侯文侯子林是時桓叔欲入晉晉人發兵攻桓

叔桓叔敗還歸曲沃

晉人立孝侯

杜昭侯子也

惠之四十五年曲沃莊

伯伐翼弑孝侯

杜莊伯桓叔子翼晉國所都

翼人立其弟鄂侯鄂侯

生哀侯

林曲沃莊伯弑孝侯晉人攻莊伯莊伯復入曲沃晉人復立孝侯之子邾為鄂侯鄂侯以魯隱

公五年奔隨其年秋王立鄂侯之子先于翼是為哀侯

哀侯侵陘庭之田

林陘庭翼南鄙

邑侵奪其田也○陘音刑

陘庭南鄙啟曲沃伐翼

林翼哀侯所都啟曲沃伐翼蓋開而

導之也

經申三年春正月公會齊侯于贏

杜經之首時必書王明此歷天王之所班

也其或廢法違常失不班歷故不書王贏齊邑今泰山
贏縣○經三年正月從此盡十七年皆無王唯十年有

王傳以為義或有○夏齊侯衛侯胥命于蒲杜申約言以相命而

王字者非贏音盈○不歆血也蒲衛地在陳留長垣縣西南林書惟天子
稱命此私相命也諸侯不請命而私相命於是始○

六月公會杞侯于郕○秋七月壬辰朔日有食之既杜

傳既盡也歷家之說謂日光以望時遙奪月光故月光食
日月同會月奄日故日食食有上下者行有高下日光

輪存而中食者相奄密故日光溢出皆既者正相當而
相奄間䟽也然聖人不言月食日而以日食為文闕於

見所不○公子翬如齊逆女杜禮君有故則使卿逆九月齊侯送姜

氏于謹杜謹魯地濟北蛇丘縣西有下謹亭已去齊國故不言女未至於魯故不稱夫人○謹呼端反

公會齊侯于謹

無傳

夫人姜氏至自齊

杜無傳告於廟也

侯送之公受之於謹

○冬齊侯使其弟年來聘

○有年

無傳五穀皆熟書有

年

傳三年春曲沃武公伐翼次于陘庭

林魯隱公十年晉哀侯三年曲沃莊

伯牟子稱代立是為曲沃武公凡師再宿為信過信為次此數宿于陘庭之地

韓萬御戎梁弘

為右

杜韓萬莊伯弟也御戎僕也右戎車之右

逐翼侯于汾隰

杜汾隰汾水

公逐哀侯于汾水邊也下濕曰隰○汾扶云反汾水名

驂絰而止

林驂驂馬蓋哀侯驂絰於木而

止○驂七南反絰戶卦反

夜獲之及欒共叔

杜共叔桓叔之傳欒賈之子也身傳翼侯父子

各殉所奉之主故并見獲而死。其音恭。

○會于贏成昏于齊也。

公不由媒介自與齊

侯會而成昏非禮也。

○夏齊侯衛侯胥命于蒲不盟也。○公會杞

侯于郕杞求成也。

二年入杞故今來求成。

○秋公子翬如齊逆女

修先君之好故曰公子。

杜昏禮雖奉時君之命其言必稱先君以為禮辭故公子翬逆

女傳稱修先君之好公子遂逆女傳稱尊君命互舉其義。好呼報反。

齊侯送姜氏非禮

也。凡公女嫁于敵國姊妹則上卿送之以禮於先君。

林

加禮於先君之遺體。齊侯送姜氏本或作送姜氏于權。

公子則下卿送之。

林公所自生之

女降姊妹一等

於大國雖公子亦上卿送之於天子則諸卿皆

行公不自送於小國則上大夫送之。○冬齊仲年來聘

致夫人也

杜古者女出嫁又使大夫隨加聘問存謙敬序殷勤也在魯而出則曰致女在他國而來

則總曰聘故傳以致夫人釋之

○芮伯萬之母芮姜惡芮伯之多寵人

也故逐之出居于魏

杜為明年秦侵芮張本芮國在馮瑒臨晉縣魏國河東北縣林芮

國名萬芮伯名姜母之姓以芮伯內寵外寵皆非賢德之人故逐芮伯○芮如銳反惡烏路反

經四年春正月公狩于郎

杜冬獵曰狩行三驅之禮得田狩之時故傳曰書時

禮也周之春夏之冬也田狩從夏時郎非國內之狩地故書地○狩乎又反

○夏天王使宰

渠伯糾來聘

杜宰官渠氏伯糾名也王官之宰當以才授位而伯糾攝父之職出聘列國故書名

以譏之國史之記必書年以集此公之事書首時以成
此年之歲故春秋有空時而無事者今不書秋冬首月
史闕文他皆倣
此○糾居黜反

傳四月春正月公狩于郎書時禮也

杜郎非狩地故唯時合禮

○夏

周宰渠伯糾來聘父在故名○秋秦師侵芮敗焉小之

也

秦以芮小輕之故為芮所敗

○冬王師秦師圍魏執芮伯以歸

杜

年芮伯出居魏芮更立君秦為芮所敗故以芮伯歸將欲納之林秦以芮伯居魏故圍魏君為十年秦納芮傳

經

甲戌

五年春正月甲戌己丑陳侯鮑卒

杜未同盟而書名者來赴以名

故也甲戌前年十二月二十一日己丑此年正月六日陳亂故再赴赴雖日異而皆以正月起文故但書正月

慎疑審事故從赴。○夏齊侯鄭伯如紀。杜外相朝皆言如齊欲滅紀紀

人懼而來。○天王使仍叔之子來聘。杜仍叔天子之大

告故書。○葬陳桓公。無傳○城祝丘。無傳齊鄭將襲紀故

也。○秋蔡人衛人陳人從王伐鄭。杜王之辭也王師敗不書

不以告林從王伐鄭。君臣之辭也。自伐鄭無功。○大雩。

而後王命始不行於天下。○從如字。又才用反。○大雩。

杜傳例曰書不時也。失龍見之時。○螽。無傳螽蟥之屬

林書大雩之始。○雩音于祭名。○螽。為災故書。○螽

終。○冬州公如曹。杜不書奔以朝出也為下賁

來書也。曹國今濟陰定陶縣。

傳五年春正月甲戌巳丑陳侯鮑卒再赴也於是陳亂。

左傳杜林合注

文公子佗殺大子免而代之

杜佗桓公第五父也稱文公子明佗非桓公母弟也

免桓公太子林言文子佗以見佗不當立殺太子免而代之篡也○佗大何反免音問

公疾病而

亂作國人分散故再赴

林當陳侯疾病而陳佗作亂國人懼而分散釋陳所以再赴之

故

○夏齊侯鄭伯朝于紀欲以襲之紀人知之

林假朝禮將以

襲紀紀人知其詐○襲音習

○王奪鄭伯政鄭伯不朝

杜奪不使知王政秋

王以諸侯伐鄭鄭伯禦之王為中軍號公林父將右軍

蔡人衛人屬焉

林桓王以三國伐鄭鄭不受伐故禦王師桓王自將中軍號公林父為王卿士

故將右軍○將子匠反下同

周公黑肩將左軍陳人屬焉

杜黑肩周桓公也

鄭子元請為左拒以當蔡人衛人

杜子元鄭公子拒方陳。拒俱甫反下同。

為右拒以當陳人曰陳亂民莫有闢心若先犯之必奔

林陳軍不整莫有戰鬪之心若先犯陳師陳必先奔

王卒顧之必亂蔡衛不枝固

將先奔既而萃於王卒可以集事從之

林顧見陳奔必驚而亂蔡衛不

能枝持固將先王卒而奔敗既敗諸國聚攻王卒可以成勝敵之事杜萃聚也集成也。卒尊忽反下同萃似

類反曼伯為右拒。杜曼伯檀伯。曼音萬。

祭仲足為左拒原繁高渠

彌以中軍奉公為魚麗之陳先偏後伍伍承彌縫

杜司馬法

車戰二十五乘為偏以車居前以伍次之承偏之隙而彌縫闕漏也五人為伍此蓋魚麗陳法。麗力知反縫

扶容

戰于繻葛

杜繻葛鄭地
○繻音須

命二拒曰旂動而鼓

杜旂也

通帛為之蓋今大將之麾也執以為號令林鄭人命其左右二拒見旂動則各鳴鼓以進軍也○旂古外反又

古沽反本亦作檜建大木置石其上發機以礮敵

蔡衛陳皆奔王卒亂鄭師合

以攻之王卒大敗祝聃射王中肩王亦能軍

雖軍敗身傷猶殿而

不奔故言能軍○射食亦反中丁仲反

祝聃請從之公曰君子不欲多上

人況敢陵天子乎苟自救也社稷無隕多矣

林言君子不欲多出

人之上況敢侵犯桓王乎苟自救其禍難鄭國社稷不至顛隕所幸多矣杜鄭於此收兵自退○隕于敏反

夜鄭伯使祭足勞王且問左右

杜祭足即祭仲之字蓋名仲字仲足也勞王問

左右言鄭志在苟免王討之非也林莊公使祭仲問勞桓王問左右安否此皆恭而無禮之辭。勞力報反

○仍叔之子弱也

杜仍叔之子來聘童子將命無速反之心久留在魯故經書夏聘傳釋之

於未

○秋大雩書不時也

十二年公傳唯此年及襄二十六年有雨秋此發雩祭之例

欲顯天時以指事故重言秋異於凡事

凡祀啟蟄而郊

言凡祀通下三句天地宗廟之事也

啟蟄夏正建寅之月祀天南郊○蟄直立反

龍見而雩

龍見建巳之月蒼龍宿之體昏見東方萬

物始盛待雨而大故祭天遠為百穀祈膏雨○見賢遍反

始殺而嘗

建酉之月陰氣始殺嘉穀始熟

故薦嘗於宗廟

閉蟄而烝

建亥之月昆蟲閉戶萬物皆成可薦者衆故烝祭宗廟釋例論之備矣○

閉必計反又必結反字林芳緒反烝之承反

過則書

十日有吉否過次節則書以譏慢也

○冬

次定四年

百

左傳杜林合注

圭

淳于公如曹度其國危遂不復

杜淳于州國所都城陽
淳于縣也國有危難不

能自安故出朝而遂不還○度
待洛反復者服後不音者皆同

經乙亥六年春正月寔來

杜寔實也
不言州公者承上五
年冬經如曹問無異事省文從

可知○寔
時力反

○夏四月公會紀侯于成

杜成魯地在秦
山鉅平縣東南○

秋八月壬午大閱

齊為大國以戎事徵諸侯之成嘉美
鄭忽而忽欲以有功為班怒而訴齊

魯人懼之故以非時簡車馬
林書大閱之始○閱音悅

○蔡人殺陳佗

杜佗立踰
年不稱爵

者簞立未會諸侯也傳例在莊二十二年林魯莊公二
十二年傳陳厲公蔡出也故蔡人殺五父而立之陳厲
公躍
立○九月丁卯子同生
杜桓公子莊公也十二公唯
子同是適夫人之長子備用

大子之禮故史書之於策
不稱大子者書始生也
○冬紀侯來朝

傳六年春自曹來朝書曰寔來不復其國也

杜亦承五年冬傳淳

于公如曹也言奔則來行朝禮言

○楚武王侵隨

杜隨國今

義陽隨縣林漢東姬姓國

使蘧章求成焉

杜蘧章楚大夫林楚反使其大夫蘧章先求成於隨

○蘧子委反

軍於瑕以待之

杜瑕隨也林楚軍於瑕以待隨之報○瑕下加反

隨人

使少師董成

杜少師隨大夫董正也林少師隨侯之有寵大夫使少師正二國之成也○少詩照

反後皆放此

鬬伯比言於楚子曰吾不得志於漢東也我則

使然

杜鬬伯比楚大夫令尹子文之父林言我楚之不得逞志於漢東諸侯也我則失策而使之然漢東

居漢水之東

我張吾三軍而被吾甲兵以武臨之彼則懼而

協以謀我故難間也漢東之國隨為大隨張必棄小國

小國離楚之利也

林我且張大吾三軍之衆而被吾之堅甲利兵以威武而臨漢東之諸侯

此楚之失策隨若自張大必棄絕小國而不叶心以謀彼諸侯則恐懼而叶心以謀禦我之策故難離間其心也

楚小國離心則隨勢自孤隨勢孤而無援此楚國之利也

杜張自侈大也○被皮寄反間間廁之間張諸亮反

一字少師侈請羸師以張之

林隨少師之心素自侈大請楚子藏其指兵示以羸

弱以張大少師之心使忽楚杜羸弱也

○侈昌氏反又武氏反羸劣追反下同

熊率且比曰季

梁在何益

杜熊率且比楚大夫季梁隨賢臣○率音律且子余反

鬬伯比曰以為

後圖少師得其君

杜言季梁之諫不過一見從隨侯卒當以少師為計故云以為後圖二年

蔡侯鄭伯會于鄧始懼楚楚子自此遂盛終於抗衡中國故傳備言其事以終始之林解且比之意以為後舉

之國言今雖未行吾計後舉必墮吾計中季梁雖賢不如少師有寵得君之深若其言不行則浸潤膚受無所

不至此所以後舉必墮吾計也

王毀軍而納少師

杜從伯比之謀

少師歸請追

楚師隨侯將許之

杜信楚弱也

季梁止之曰天方授楚楚之

羸其誘我也君何急焉臣聞小之能敵大也小道大淫

所謂道忠於民而信於神也上思利民忠也祝史正辭

信也今民餒而君逞欲祝史矯舉以祭臣不知其可也

林楚自若教蚡冒以來方強盛故曰天方授之也楚之
示蘧蓋欲誘我以墮其計當緩以圖之何必急焉小國
之能敵大國也小國有道大國淫虐無道盡心為民為
忠誠實事神為信此所謂有道而後可敵大國也傳曰
小大之獄雖不能察必以情曰忠之屬也此即上思利
民之忠其祝史陳信於鬼神無媿辭此即祝史正辭之
信今民皆饑餒而君獨縱欲是無上思利民之忠祝史
詐稱功德以誑于鬼神是無祝史正辭之信隨國無道
如此臣未知其可以敵楚也祝太祝史太
史皆主祭○餒奴罪反餓也矯居兆反
公曰吾牲牷
肥腍粢盛豐備何則不信也牷牛羊豕也牷純色完全
曰盛○牲音對曰夫民神之主也杜言鬼神之情依民而行
全腍徒忽反是以聖
王先成民而後致力於神杜先養人民使之成就
而後致力於事鬼神故奉

牲以告曰博碩肥腍謂民力之普存也

杜博廣也碩大也

謂其

畜之碩大蕃滋也謂其不疾疫蠡也謂其備腍咸有也

杜雖告神以博碩肥腍其實皆當兼此四謂民力適完則六畜既大而滋也皮毛無疥癰兼備而無有所闕○

畜吁又反下皆同蕃音煩癰七木反本又作瘰同蠡力果反說文作瘰云瘰瘰皮肥也

奉盛以告

曰絜粢豐盛謂其三時不害而民和年豐也

林不奪農時春夏秋

無有災害使得盡力耕耨故和氣致祥而年穀豐登也

奉酒醴以告曰嘉栗旨酒

林嘉善也栗謹敬也言有加善敬謹之德以將其美酒

謂其上下皆有嘉德而無

違心也所謂馨香無讒慝也

杜馨香之遠聞林此言牲牲粢盛酒醴之所以馨香

者上下皆無譏諛邪慝之行所以馨香也書曰黍稷非馨明德惟馨此即無譏慝也○慝他得反故務

其三時

林此以下言先成民之事

脩其五教

杜父義母慈兄友弟共子孝林脩君臣父子兄

弟夫婦朋友五者之教

親其九族以致其禋祀

種潔敬也九族謂外祖父外祖母從

母子及妻父妻母姑之子姊妹之子女子之子并已之同族皆外親有服而異族者也林此言後致力於神之事○九族杜釋與孔安國鄭玄不同種音因於是乎民和而神降之福故動

則有成今民各有心而鬼神乏主

林以忠於民而得民和以信於神而神降

之福故動則有成功孔子曰我戰則克祭則受福是也今隨國之民各有異心而不和民心不和是鬼神無主也杜民君雖獨豐其何福之有

林君雖獨豐於事神神將吐之其何降福之有

君姑脩政而親兄弟之國庶免於難

林君且內修政事以成民為先而親

睦漢東諸姬兄弟之國庶幾可免於楚之禍難○難乃旦反

隨侯懼而修政楚不敢

伐

林為八年楚伐隨張本

○夏會于成紀來諮謀齊難也

杜齊欲滅紀故

來謀之○難乃旦反

○北戎伐齊

林言北戎以別戎之種類襍處於中國者

齊侯使乞

師于鄭鄭太子忽帥師救齊六月大敗戎師獲其二帥

大良少良甲首三百以獻於齊

杜甲首被甲者首○於帥所類反少詩照反

是諸侯之大夫戌齊齊人饋之餼

林諸侯以戎難故遣大夫助齊戌守生曰

餼饋諸侯之大夫生餼○饋其媿反遺也餼許既反牲腥曰餼

使魯為其班後鄭

杜班次也

魯親班齊饋則亦使大夫戍齊矣經不書蓋
史闕文林鄭伯爵故鄭忽之班後於諸侯鄭忽以其

有功也怒

林驕功故怒魯之後已

故有郎之師

郎師在十年

公之未昏

於齊也齊侯欲以文姜妻鄭太子忽

林蓋文姜未嫁魯之前齊僖公先欲

以嫁鄭忽○妻七計反下同

太子忽辭人問其故太子曰人各有耦

齊大非吾耦也詩云自求多福

林言人各有配耦齊大國也鄭小國非齊大國

之耦杜詩大雅文王言求福由已非由人也

在我而已大國何為君子曰善

自為謀

林在我反求諸已而已何為倚大國以為重杜言獨潔其身謀不及國

及其敗戎

師也齊侯又請妻之

杜敬以他女妻之

固辭人問其故太子曰

無事於齊吾猶不敢今以君命奔齊之急而受室以歸

是以師昏也

林言往時未有功於齊吾猶不敢娶齊女今奉君命赴救奔齊之急難而受妻室以

歸是以師要齊而得昏也

民其謂我何

杜言必見怪於民

遂辭諸鄭伯

杜假父之

命以為辭為十一年鄭忽出奔衛傳

○秋大閱簡車馬也○九月丁卯子

同生以天子生之禮舉之

林魯十二公唯子同生是適夫人之長子故備用天子之

禮舉接以大牢

大牢牛羊豕也以禮接夫人重適也○接如字鄭注禮記作捷讀此者亦或捷

音卜士負之士妻食之

杜禮世子生三日卜士負之射人以桑弧蓬矢射天地四方卜

士之妻為乳母○食音嗣

公與文姜宗婦命之

杜世子生三月君夫人沐浴於外寢立於

昨階西鄉世婦抱子升自西階君命之乃降蓋公問名

於申繻對曰名有五有信有義有象有假有類申繻魯大夫

繻音須以名生為信以德命為義以類命為象取於物為

假取於父為類林若唐叔虞魯公子友宋仲子生而有文在其手故曰以名生若文王名昌知

其必能昌盛周邦武王名發知其必能發兵誅暴故曰以類命若孔子首象尼丘因命名曰丘而字仲尼故曰

以類命若伯魚生而有人饋之魚因名曰鯉故曰取於物若今子同生與父同日因名之曰同故曰取於父

不以國國君之子不自以本國為名也不以官官職之號不以山川

林不以本國杜隱痛疾患不以畜牲杜畜牲

山川之名辟不祥也

不以器幣

杜幣玉帛

周人以諱事神名終將諱之

杜君父之名固非臣

子所斥然禮既卒哭以木鐸徇曰舍故而諱新謂舍親
盡之祖而諱新死者故言以諱事神名終將諱之自父
至高祖皆不敢斥言林此周禮也殷以前未有諱故以
法○周人以諱事神名衆家多以名字屬下句

國則廢名

杜國不可易故廢名

以官則廢職以山川則廢主以畜

牲則廢祀以器幣則廢禮

林以官為名則因諱名而廢其職國主山川今以山川為

名當改其山川之名是廢主以畜牲為名則名猪廢猪
名羊廢羊是廢祭祀大牢少牢之禮以器幣為名則不
敢用此器幣是廢祭

晉以僖侯廢司徒杜僖侯名司徒廢為中軍宋

以武公廢司空

杜武公名司空廢為司城

先君獻武廢二山

杜二山具教也

魯獻公名具武公名

是以大物不可以命

林是以國家大物如官職

山川畜牲器幣

公曰是其生也與吾同物命之曰同

杜物

類也謂

○冬紀侯來朝請王命以求成于齊公告不能

杜紀微弱不能自通於天子欲因公
以請王命公無寵於王故告不能

左傳杜林合注卷三

欽定四庫全書

左傳杜林合注卷四

明 王道焜

趙如源 同編

桓公二

經

丙子

七年春二月己亥焚咸丘

杜無傳焚大田也咸丘魯地高平鉅野縣南有

咸亭譏盡物故書○焚扶云反

○夏穀伯綏來朝

○綏須唯反

鄧侯吾離來

朝

杜不總稱朝者各自行朝禮也穀國在南鄉筑陽縣北林穀鄧書名貶也魯在泰山之下穀鄧在方城之

外兩君之好不相及也有朝桓公者必若穀鄧而後貶

傳七年春穀伯鄧侯來朝名賤之也

杜辟陋小國賤之禮不足故書名以

春來夏乃行朝禮故經書夏

○夏盟向求成于鄭既而背之

盟向三邑名隱

十一年王以與鄭故求與鄭成○盟音孟向陽亮反背音佩

秋鄭人齊人衛人伐盟

向王遷盟向之民于邾

林邾王城盟向之民不欲從鄭故王遷盟向之民于邾○邾古

洽反○冬曲沃伯誘晉小子侯殺之

杜曲沃伯武公也小子侯哀侯子林以計

誘而殺之非用兵也

經

丁丑

八年春正月己卯燕

無傳此夏之仲月非為過而書者為下五月復燕見瀆也

例在五年○燕之承反

○天主使家父來聘

杜無傳家父天子大夫家氏父字林家父

凡伯皆大雅之舊人也

○夏五月丁丑烝

無傳

○秋伐邾

無傳

○冬十

月雨雪

無傳今八月也書時失○雨于付反

○祭公來遂逆王后于紀

杜祭

公諸侯為天子三公者王使魯主昏故祭公來受命而迎也天子無外故因稱王后卿不書舉重略輕林祭公來不稱王使王未有成命也遂專也是故書遂始於此○祭側界反

傳八年春滅翼

曲沃滅之

○隨少師有寵楚鬬伯比曰可矣

讎有讐不可失也

林言前年張隨之計可行矣讐者指隨而言謂少師無德而有寵此隨之

讐隙可乘不可失此機會杜讐瑕隙也無德者寵國之讐也○讐許觀反

○夏楚子合諸侯

于沈鹿

林沈鹿楚地欲以求隙討隨也

黃隨不會

杜黃國今弋陽縣

使蘧章讓

黃

責其不會

楚子伐隨軍於漢淮之間季梁請下之弗許而

後戰

杜下之請服也林待楚弗許而後交戰○下邈嫁反

所以怒我而怠寇也

林

以怒我而欲怠寇志也欲使隨人怒楚之不起而楚人不直其君亦有怠心也

少師謂隨侯曰

必速戰不然將失楚師

林此蓋以六年羸師之事入隨侯之左腹故謂今若不速戰當

又如前年失楚師也○將失楚師一本無師字

隨侯禦之望楚師

杜遙見楚師

季梁

曰楚人上左君必左

君楚君也

無與王遇且攻其右右無良

焉必敗偏敗衆乃攜矣

林蓋見當時楚之精兵皆在左故言楚以左為上楚君必在左

無與楚王之精兵合戰且先攻其右師右無精兵在焉必先敗偏師敗楚師之衆乃有攜貳之心矣少師

曰不當王非敵也弗從戰于速杞隨師敗績隨侯逸

不林

當楚王之左師不足以言對敵也不從季梁之謀杜速杞隨地逸逃也

鬬丹獲其戎車與

其戎右少師

杜鬬丹楚大夫戎車君所乘兵車也戎右車右也寵之故以為右

秋隨及

楚平楚子將不許鬬伯比曰天去其疾矣

杜去疾謂少師見獲而死

林蓋以少師為隨之疾今少師見獲是天去其疾矣言隨國未可克○去起呂反

隨未可克也

乃盟而還○冬王命虢仲立晉哀侯之弟緡于晉

杜虢仲王

卿士虢公林父○緡亡巾反

祭仲來遂逆王后于紀禮也

天子娶于諸侯

使同姓諸侯為之主祭公來受命於魯故曰禮

經

戊寅

九年春紀季姜歸于京師

杜季姜桓王后也季字姜紀姓也書字者伸父

母之尊

○夏四月○秋七月○冬曹伯使其世子射姑來

朝

曹伯有疾故使其子來朝○射音亦又音夜

傳九年春紀季姜歸于京師凡諸侯之女行唯王后書

杜為書婦人行例也適諸侯雖告魯猶不書林女子謂嫁曰有行此言凡諸侯之女嫁也蓋以王后母儀天下為天地宗廟社稷之主不可不書 巴子使韓服告于楚請與鄧為好

杜韓服巴行人巴國在巴郡江州縣○好呼報反

楚子使道朔將巴客以聘於

鄧

道朔楚大夫巴客韓服

鄧南鄙鄧人攻而奪之幣

杜鄧在今鄧縣南沔水之

北林要巴客于道攻而奪殺道朔及巴行人林行人楚

其往聘之幣帛○鄢音憂即韓服子使蓬章讓於鄧鄧人弗受杜言非鄧人所攻夏楚使鬬廉帥

師及巴師圍鄢杜闕廉楚大夫林園鄧養甥聃甥帥師

救鄢三逐巴師不克二甥皆鄧大夫鬬廉衡陳其師於

巴師之中以戰而北杜衡橫也分巴師為二部鬬廉橫

走也○衡如字一音橫陳直觀反又如字北如字一音佩稽康音胃背鄧人逐之背巴師

而夾攻之杜楚師偽走鄧師逐之背巴師巴師攻之楚

反鄧師大敗鄢人宵潰林陷於兩師之中前後受敵故

懼而夜潰杜宵夜也○潰戶對反

○秋號仲芮伯梁伯荀侯賈伯伐曲

沃

杜梁國在馬翊夏陽縣荀賈皆國名林號仲八年立晉侯于晉故以四國伐曲沃武公

○冬曹

大子來朝賓之以上卿禮也

諸侯之適子未嘗於天子而攝其君則以皮帛繼子

男故賓之以上卿各當其國之上卿

享曹大子初獻樂奏而歎

杜酒始獻○享許兩

反

施父曰曹大子其有憂乎非歎所也

杜施父魯大夫林言曹大子其

有憂患之事乎朝享所以觀威儀省禍福故曰非歎所也○施色豉反人名字父音甫

經

已卯十年春王正月庚申曹伯終生卒

杜未同盟而赴以名林桓公卒

子莊公始射立

○夏五月葬曹桓公

無傳

○秋公會衛侯于桃丘

弗遇

杜無傳衛侯與公為會期申背公更與齊鄭故公獨往而不相遇也桃丘衛地濟北東阿縣東南有

桃城

○冬十有二月丙午齊侯衛侯鄭伯來戰于郎

改侵伐而

書來戰善魯之用周班惡三國討有辭

傳十年春曹桓公卒

終施父之言

○號仲譖其大夫詹父於

王

杜號仲王卿士詹父屬大夫○譖側鵠反詹章康反

詹父有辭以王師伐號夏

號公出奔虞

林詹父有自直之辭愬于王王右詹父故以師伐號杜虞國在河東大陽縣

○

秋秦人納芮伯萬于芮

林三年芮伯奔魏芮人更立君秦以四年為芮所敗故圍魏執

芮伯以歸至是而納之以困芮也

○初虞叔有玉

杜虞叔虞公之弟

虞公求旃

杜梅之也林虞公從虞叔求之虞姬姓國公爵周太
王之子仲雍之後周武王封之于虞○梅之然反弗

獻既而悔之曰周諺有之匹夫無罪懷璧其罪

林言匹夫本無

罪蓋由其懷璧則人利其璧以害其身
此其所以為罪璧美玉也○諺音彥

吾焉用此其以

賈害也

林行商曰商坐肆曰賈賈者坐而待價者也此言賈禍蓋謂懷玉坐而待禍害之至如賈之坐

而待價○賈買也焉於度反賈音古

○乃獻之又求其寶劍叔曰是無厭

也無厭將及我

杜將殺我○厭於鹽反下同

遂伐虞公故虞公出奔

共池

杜共池地名闕共音洪一音恭

○冬齊衛鄭來戰于郎我有辭

也初北戎病齊

年在六

諸侯救之鄭公子忽有功焉齊人

釐諸侯使魯次之

林使魯為之班次

魯以周班後鄭鄭人怒請

師於齊齊人以衛師助之故不稱侵伐

不稱侵伐而以戰為文明魯直

諸侯曲故言我有辭以禮自釋交綏而退無敗績

先書齊衛王爵也

鄭主兵而序齊衛下

者以王爵次之也春秋所以見魯猶秉周禮

經

庚辰

十有一年春正月齊人衛人鄭人盟于惡曹

林戰郎之

諸侯也戰稱君盟稱人略之也鄭敗王師齊滅后之母家衛亦抗子突而自立自有參盟莫甚於惡曹故略之

也杜惡曹地闕

○夏五月癸未鄭伯寤生卒

杜同盟於元年赴以名林世子忽立

是為昭公

○秋七月葬鄭莊公

杜無傳三月而葬速

○九月宋人執鄭

祭仲

杜祭氏仲名不稱行人例在襄十一年釋例詳之林此書執之始突

歸于鄭

杜突厲公也為宋所納故曰歸例在成十八年不稱公子從告也文連祭仲故不言鄭

忽出奔衛

杜忽昭公也莊公既葬不稱爵者鄭人踐之以名赴林此書奔衛始忽繫鄭而突不繫鄭

以突為篡也

○柔會宋公陳侯蔡叔盟于折

杜無傳柔魯大夫未賜族者蔡

叔蔡大夫叔名也折地闕林此大夫會盟諸侯之始故貶之至公子結不貶矣○折之設反又市列反○

公會宋公于夫鍾

杜無傳夫鍾鄭地○夫音扶

○冬十有二月公會

宋公于闕

杜無傳闕魯地在東平須昌縣東南○闕口暫反

傳十一年春齊衛鄭宋盟于惡曹

宋不書經闕

○楚屈瑕將

盟貳軫

林貳軫二國名將以師盟之。○屈居忽反。楚大夫氏貳音二軫之。恐反。皆國名。

鄖人軍

於蒲騷將與隨絞州蓼伐楚師

杜鄖國在江夏雲杜縣東南有鄖城蒲騷鄖邑

絞國名州國在南郡華容縣東南蓼國今義陽棘陽縣東南湖陽城。○鄖音云國名騷音蕭又音縈絞古卯反

蓼音了本或作莽同隨絞州蓼四國名

莫敖患之

莫敖楚官名即屈瑕。○敖五刀反

鬬廉

曰鄖人軍其郊必不誠

林言鄖人軍於蒲騷未出其國之郊邑恃其近郊必不戒謹設

備

且日虞四邑之至也

杜虞度也四邑隨絞州蓼也邑亦國也。○且人逸反

君次

於郊郢以禦四邑

杜君謂屈瑕也郊郢楚地林謂屈瑕次師於楚地之郊郢以禦四國之兵

使不得來。○郢以并反。又以政反。

我以銳師宵加於鄖鄖有虞心而恃

其城莫有鬪志若敗鄆師四邑必離

林我闔康自稱統精銳之兵以夜而

加伐於鄆師鄆有虞度四國之心必不虞楚師之來恃其城近則小小失利必走保其城必無致死戰鬪之志

若我既敗鄆師四國聞鄆之敗必驚而離散不復來至

莫敖曰盍請濟師於王

杜盍

何不也濟盍也○盍戶各反濟箋計反

對曰師克在和不在衆商周之不

敵君之所聞也

林言用兵克敵在師衆和同一心不在師徒之衆多杜商紂也周武王也傳曰

武王有亂臣十人紂有億兆夷人

成軍以出又何濟焉莫敖曰卜之對

曰卜以決疑不疑何卜遂敗鄆師於蒲騷卒盟而還

林鄭

既敗四國不至故屈瑕終與貳軫為盟而還

○鄭昭公之敗北戎也

在六年

齊

人將妻之昭公辭祭仲曰必取之君多內寵子無大援

將不立

林言鄭莊公內多寵妻子謂昭公若無大國之援將不得立為君○妻七計反下同援於眷反

三公子皆君也

杜子突子亹子儀之母皆有寵林皆將抗寵以為君也

弗從○夏

鄭莊公卒初祭封人仲足有寵於莊公

杜祭鄭地陳留長垣縣東北有

祭城封人守封疆者因以所守為氏

莊公使為卿為公娶鄧曼生昭公故

祭仲立之

林自祭封人升為鄭卿為鄭莊娶鄧女曰鄧曼曼鄧姓○為于偽反曼音萬

宋雍

氏女於鄭莊公曰雍姑生厲公

雍氏姑姓宋大夫也以女妻人曰女○雍於恭

反女尼據反姑其吉反又其扶反

雍氏宗有寵於宋莊公故誘祭仲而

執之

杜祭仲之如宋非會非聘見誘而以行人應命林宋為雍氏欲立其所出故誘祭仲至宋而執之

曰不立突將死亦執厲公而求賂焉

林宋亦執突而求報謝之賂祭

仲與宋人盟以厲公歸而立之○秋九月丁亥昭公奔

衛己亥厲公立

經

辛巳

十有二年春正月○夏六月壬寅公會杞侯莒子

盟于曲池

杜曲池魯地魯國汶陽縣北有曲水亭

○秋七月丁亥公會宋

公燕人盟于穀丘

杜穀丘宋地燕人南燕大夫

○八月壬辰陳侯躍

卒

杜無傳厲公也十一年與魯大夫盟於折不書葬魯不會也壬辰七月二十三日書於八月從赴林厲公

卒莊公林立○公會宋公于虛虛宋地。虛去魚反。○冬十有一

月公會宋公于龜龜宋地○丙戌公會鄭伯盟于武父武杜

父鄭地陳留濟陽縣東北有武父城。○丙戌衛侯晉武父地名音甫有父字者皆同甫音。

卒杜無傳重書丙戌非義例因史成文也。○十有二月未同盟而赴以名林宣公卒惠公朔立。

及鄭師伐宋丁未戰于宋林既書伐宋又重書戰者以見宋之無信也莊十一年傳

例曰皆陳曰戰尤其無信故以獨戰為文

傳十二年夏盟于曲池平杞莒也杜隱四年莒人伐杞自是遂不平林於是

魯為盟以平之。○公欲平宋鄭秋公及宋公盟于句瀆之丘杜

潰之丘即穀丘也宋以立厲公故多責賂於鄭鄭人不
堪故不平林時責賂在宋故欲平宋鄭而獨先盟宋○
句古侯反
潰音豆
宋成未可知也故又會于虛冬又會于龜林

未肯許平魯又
會宋以速其成
宋公辭平故與鄭伯盟于武父
杜宋公貪鄭賂

故與公三會而卒辭不與鄭平林公以
三會宋公卒不得宋成故怒而與鄭盟
遂帥師而伐宋

戰焉宋無信也君子曰苟信不繼盟無益也詩云君子

屢盟亂是用長無信也
杜詩小雅言無信故數盟數盟則情疏情疏而憾結故云長亂

林舉詩以深責宋盟之無信也○屢
力具反本又作婁音同長丁丈反
○楚伐絞軍其南

門莫敖屈瑕
林即十一年敗鄆蒲騷者
曰絞小而輕輕則寡謀請無

扞采樵者以誘之

林絞小國而輕狂輕狂則寡於謀畫請無以師衛采樵以誘絞之出杜扞

衛也樵薪也○輕遣政反扞戶旦反樵在遙反

從之絞人獲三十人

林獲楚采樵者三十

人

明日絞人爭出驅楚役徒於山中

林絞人不知其計明日爭出驅楚執

役采樵之徒於山中

楚人坐其北門而覆諸山下

杜坐猶守也覆設伏兵而待之

○覆扶又反

大敗之為城下之盟而還

城下盟諸侯所深恥

伐絞之役

楚師分涉於彭

杜彭水在新城昌魏縣林楚人分其師以涉於彭水言涉者深厲淺揭非以舟

也

羅人欲伐之使伯嘉諜之三巡數之

林欲伐涉彭之師使羅大夫伯

嘉謀伺楚師三偏數其師之多少杜羅熊姓國在宜城縣西山中後徙南郡枝江縣謀伺也巡偏也○諜徒協

反數色
阻反

經士十有三年春二月公會紀侯鄭伯已巳及齊侯宋

公衛侯燕人戰齊師宋師衛師燕師敗績

杜大崩曰敗績例在莊十

一年或稱人或稱師史異辭也衛宣公未葬惠公稱侯以接鄰國非禮也

○三月葬衛宣公

無○夏大水無○秋七月○冬十月

傳十三年春楚屈瑕伐羅鬬伯比送之還謂其御曰莫

教必敗舉趾高心不固矣

林討其去年欲伐楚師莫教即屈瑕也言屈瑕必為羅所

敗凡人志氣揚揚則舉足高蹈謂人莫已若也今莫教舉趾高蓋驕甚備敵之心已不固矣杜趾是也遂

見楚子曰必濟師

難言屈瑕將敗故以並師諷諫○見賢通反濟箋計反

楚子辭

焉

不解其旨故拒之

入告夫人鄧曼鄧曼曰大夫其非衆之謂

杜鄧曼楚武王夫人言伯比意不在於益衆也

其謂君撫小民以信訓諸司以

德而威莫敖以刑也莫敖狃於蒲騷之役將自用也

林撫

慰士卒小民以恩信教訓諸司將佐以文武之令德刑非獨刑罰也傳曰一人刑善百姓昭明凡國之政事皆

刑也以下文見莫敖而告諸天之不假易知此是欲以履明之政威莫敖使之恐懼修省莫敖以十一年敗鄧

于蒲騷十二年敗絞將狃而恃之以勝為可常故曰狃於蒲騷之役將自用而不信人言杜狃快也○狃女久

反

必小羅君若不鎮撫其不設備乎

林必以羅國為小而忽之君若不鎮

歷而撫綏之必以
不設備取敗也

夫固謂君訓衆而好鎮撫之

杜撫小民以信

也○好呼報
反又如字

召諸司而勸之以令德

杜訓諸司以德也

見莫教

而告諸天之不假易也

杜諸之也言天不借貸慢易之人威莫教以刑也○易以鼓反

不然夫豈不知楚師之盡行也楚子使賴人追之不及

林若曰不然彼伯比豈不知楚師之盡行而有濟師之請也楚子因鄧曼之言悟伯比之旨乃使賴國之人仕於楚者往追屈瑕杜賴國在義陽隨縣○盡津忍反此類可以意求莫教使徇于師曰諫

者有刑

杜徇宣令也林言敢以伐羅及鄢亂次以濟杜

水在襄陽宜城縣入漢林亂其前後行伍之次序以濟鄢水○鄢於晚反又於萬反亂次以濟本或作亂次以

水 濟其 遂無次且不設備及羅羅與盧戎兩軍之杜盧戎南蠻

盧如字本或作盧音同 大敗之莫敖縊于荒谷羣師囚于治父杜縊

自經也荒谷治父皆楚地○縊一鼓以聽刑林以聽楚反荒如字本或作亢音同治音也之典刑

楚子曰孤之罪也林楚子引咎自責曰是孤不能從諫之罪非羣師之過諸侯自稱曰孤

皆免之○宋多責賂於鄭杜立突賂 鄭不堪命故以紀魯及

齊與宋衛燕戰不書所戰後也公後地期不及其戰故不書所戰之地

鄭人來請脩好林鄭厲公使人來請修盟于武父之好○好呼報反

經癸未 十有四年春正月公會鄭伯于曹杜修十二年武父之好于曹地

會與

○無冰

無傳書時失

○夏五

不書月闕文

鄭伯使其弟語來

盟○秋八月壬申御廩災

杜御廩公所親耕以奉粢盛之倉也天火曰災例在宣十

六年○廩力錦反

乙亥嘗

杜先其時亦過也既戒日致齊廩雖災苟不害嘉穀則祭不應廢故書以

示○冬十有二月丁巳齊侯祿父卒

杜無傳隱六年盟于父○僖公卒襄

立公○宋人以齊人蔡人衛人陳人伐鄭

杜凡師能左右之曰以例在僖

二十六年林以一國而用諸侯之師於是始此伯者之所由興也

傳十四年春會于曹曹人致餼禮也

杜熟曰饗生曰餼林會于曹故曹人

致生餼之餽得地主之禮也

○夏鄭子人來尋盟且修曹之會

杜子人即

弟語也其後為子人氏林來
尊武父盟且修曹會之好

○秋八月壬申御廩災乙

亥嘗書不害也

林災其屋救之則息不及穀不妨祭祀故春秋先書廩災後書嘗以見不害

○冬宋人以諸侯伐鄭報宋之戰也

林報十二年戰于宋之役 焚渠

門入及大逵

杜渠門鄭城門逵道方九軌○逵求龜反

伐東郊取牛首

杜東郊鄭

郊牛首鄭邑

以大宮之椽歸為廬門之椽

杜大宮鄭祖廟廬門宋城門告伐而

不告入取故不書林以鄭祖廟之椽為宋城門之椽辱之也○大音泰椽直專反榱也圓曰椽方曰桷說文云

周謂之椽齊魯謂之桷

經 甲申 十有五年春二月天王使家父來求車○三月乙

未天王崩

杜無傳桓王也林桓王崩莊王立桓王至莊三年葬

○夏四月己巳葬

齊僖公

無傳

○五月鄭伯突出奔蔡

杜突既篡立權不足自固又不能倚任

祭仲反與小臣造賊盜之計故以自奔為文罪之也例在昭三年

鄭世子忽復歸于鄭

杜忽實居君位故今還以復其位之例為文也稱世子者忽為天子有母氏之寵宗卿之援有功於諸侯此太子之盛者也而守介節以失大國之助知三公子之彊不從祭仲之言修小善絮小行從匹夫之仁忘社稷之大計故君子謂之善自為謀言不能謀國也父卒而不能自君鄭人亦不君之出則降名以赴入則逆以天子之禮始於見逐終於見殺三公子更立亂鄭國者實忽之由復歸例在成十八年林世子忽即昭公也已居君位而復稱世子
○許叔入于許
杜許叔莊公弟也隱十一年鄭使許大夫奉許

叔居許東偏鄭莊公既卒乃入居位許人嘉之以字告也叔本不去國雖稱入非國逆例○公會齊

侯于艾

地林齊

○邾人牟人葛人來朝

杜無傳三人皆附庸之世子也其君

應稱名故其子降稱人牟國今泰山牟縣葛國在梁國軍陵縣東北○牟亡侯反

○秋九月鄭

伯突入于櫟

杜櫟鄭別都也今河南陽翟縣未得國直書入無義例也○櫟音歷

○冬十

有一月公會宋公衛侯陳侯于袤伐鄭

杜袤宋地在沛國相縣西南先

行會禮而後伐也○袤昌氏反

傳十五年春天王使家父來求車非禮也諸侯不貢車

服

杜車服上之以賜下

天子不私求財

杜諸侯有常職貢

○祭仲專鄭

伯患之使其壻雍糾殺之將享諸郊雍姬知之

林將為祭仲設

享於郊而殺之雍姬雍糾之妻祭仲之女知其將殺祭仲之謀

謂其母曰父與夫孰

親其母曰人盡夫也父一而已胡可比也

杜婦人在室則天父出則

天夫女以為疑故母以所生為本解之林言凡人皆可嫁以為夫生我者一父而已夫之親安可以父為比

遂告祭仲曰雍氏舍其室而將享子于郊

林子謂其父子者男子之

通稱也○舍音捨

吾惑之以告祭仲殺雍糾尸諸周氏之汪

杜汪池也

周氏鄭大夫殺而暴其尸以示戮也○汪烏黃反

公載以出

杜隱其見殺故載其尸共出國

曰

謀及婦人宜其死也

林言雍糾機事不密而與其妻共謀宜其為祭仲所殺而死也

夏

厲公出奔蔡

林厲公畏蔡仲害已故出奔蔡

○六月乙亥昭公入

林即經書

世子忽厲公既出奔故昭公得入國

○許叔入于許○公會齊侯于艾謀

定許也○秋鄭伯因櫟人殺檀伯而遂居櫟

杜檀伯鄭守櫟大夫

○禮徒干反

○冬會于袤謀伐鄭將納厲公也弗克而還

林先

會而後謀伐鄭故經書會袤伐鄭厲公居鄭別都之襟故諸侯伐鄭將納之

經

乙酉

十有六年春正月公會宋公蔡侯衛侯于曹○夏

四月公會宋公衛侯陳侯蔡侯伐鄭

春既謀之今書會者魯諱議納不正

蔡常在衛上今序陳下蓋後至

○秋七月公至自伐鄭

杜用飲至之禮故書林此書至

伐之

○冬城向

杜傳曰書時也而下有十一月舊說因謂傳誤此城向亦俱是十一月但本事

異各隨本而書之耳經書夏叔弓如滕五月葬滕成公傳云五月叔弓如滕即知但稱時者未必與下月異也

又推校此年閏在六月則月却而節前水星可在十一月而正也詩云定之方中作于楚宮此未正中也功役

之事皆總指天象不與言歷數同也故傳之釋經皆通言一時不月朔○向失亮反○十有一月

衛侯朔出奔齊

杜惠公也朔譏構取國故不言二公子逐罪之也

傳十六年春正月會于曹謀伐鄭也

杜前年冬謀納厲公不克故復更謀

○夏伐鄭秋七月公至自伐鄭以飲至之禮也

林以行飲至舍

爵策無故曰用飲至之禮詳見桓二年

○冬城向書時也

林凡土功水昏正而歲今已冬

水星將正 故曰書時 ○初衛宣公烝於夷姜生急子 夷姜宣公之庶母也上淫

曰烝○烝之承反 屬諸右公子為之娶於齊而美公取

之 林即下文右公子職蓋以急子託公子職宣公為急子娶妻於齊公知其美遂自取之即新臺之詩所謂

納伋之妻作新臺于河上以要之 是也 ○屬音燭下同為于偽反 生壽及朔屬壽於左

公子 林即下文左公子洩蓋以壽託左夷姜縊杜失寵

公子洩杜左右媵之子因以為號 宣姜與公子朔構急子 杜宣姜宣公所取急子之妻構會其過惡○構古豆反

公使諸齊使盜待諸莘將殺之 杜莘衛地陽平縣西北有莘亭○使所吏反莘

所中 壽子告之使行也 行去 不可曰弃父之命惡用子矣

有無父之國則可也及行飲以酒壽子載其旌以先盜殺之急子至曰我之求也此何罪請殺我乎又殺之二

公子故怨惠公十一月左公子洩右公子職立公子黔

年

林壽子宣姜所生故知其謀以告急子使急子出奔他國急子不肯曰父命使齊若出奔是弃其父之命

也安用此子為若奔他國必不為人所容若有無父之國則可往奔也及急子將出行壽子欲代急子之死故假設祖道而醉急子以酒旌使者之旗壽子乘急子之醉而竊其使旌以先行盜見壽子載旌以為急子故誤殺之急子後至盜所語盜曰君將使汝求殺我也此壽子何罪而枉被殺請殺我以成汝事盜又殺急子即二公子乘舟之詩所謂宣公二子爭相為死是也二公子左公子洩右公子職也以殺其所託公子之故怨惠公黔

牟衛之羣公子。○惡音烏飲於鳩反。一惠公奔齊。
本以作之洩息列反。黔其廉反。又音琴。

經丙戌十有七年春正月丙辰公會齊侯紀侯盟于黃黃齊

地。○二月丙午公會邾儀父盟于雋。
杜雋魯地。稱字義與茂盟同。二月無

丙午丙午三月四日也。日。月必有誤。○趙翠軌反。○夏五月丙午及齊師戰于

奚。
杜奚魯地。皆陳曰戰林此齊魯交兵之始。齊魯之兵始於奚而終於艾陵。○六月丁丑蔡

侯封人卒。
杜十一年大夫盟于折林桓侯卒哀侯立。○秋八月蔡季自陳歸

于蔡。
季蔡侯弟也。言歸為陳所納。○癸巳葬蔡桓侯。
杜無傳稱侯蓋謬誤三月而葬

速○及宋人衛人伐邾。○冬十月朔日有食之。
杜甲乙者歷之

紀也晦朔者日月之會日食不可以不存晦朔晦朔須甲乙而可推故日食必以書朔日爲例林是年冬鄭之

高渠彌弑昭公忽而立子亶十八年

齊穀子亶鄭祭仲立昭公弟子儀

傳十七年春盟于黃平齊紀且謀衛故也

林紀爲魯親齊裏欲滅紀

故魯爲盟以平齊紀衛逐其君故爲盟而併謀衛故

○及邾儀父盟于趙奪蔑之

盟也

林蔑盟在隱元年奪盟修好也

○夏及齊師戰于奚疆事也

杜爭疆界

也○疆居良反下同

於是齊人侵魯疆疆吏來告公曰疆場之事

慎守其一而備其不虞

杜虞度也不度猶不意也○場音亦

姑盡所備焉

事至而戰又何謁焉

杜齊背盟而來公以信待故不書侵伐林言汝司疆場之事謹守其

一定之疆界而防備其不虞度不意之事且盡汝所備禦之道若有兵事至則與之接戰又何必先來告謁

○蔡桓侯卒蔡人召蔡季于陳

杜桓侯無子故召季而立之季內得國人之望

外有諸侯之助故書字以善得衆稱歸以明外納

秋蔡季自陳歸于蔡蔡人嘉

之也

杜嘉之故以字告

○伐邾宋志也

邾宋爭疆魯從宋志背趙之盟

○冬十

月朔日有食之不書日官失之也

林日官失其甲乙之日

天子有

日官諸侯有日御

杜日官日御典歷數者

日官居卿以底日禮也

杜日官天子掌歷者不在六卿之數而位從卿故言居卿也底平也謂平歷數林重敬授人時之禮也○底音

音下

日御不失日以授百官于朝

杜日官平歷以班諸侯諸侯奉之不失天

與夫人俱行至濞公與齊侯行會禮故
先書會濞既會而相隨至齊故曰遂

○夏四月丙子

公薨于齊

杜不言戕諱之也
戕例在宣十八年

丁酉公之喪至自齊

杜無傳告

廟也丁酉五月一日有日而無月

○秋七月○冬十有二月己丑葬我

君桓公

無傳九月乃葬緩慢也

傳十八年春公將有行遂與姜氏如齊

杜始議行事

申繻曰

女有家男有室無相瀆也謂之有禮易此必敗

杜女安夫之家

夫安妻之室違此則為瀆今公將姜氏如齊故知其當致禍亂○清徒木反

公會齊侯于濞

遂及文姜如齊齊侯通焉公謫之

林齊襄公與文姜私通此詩人所為賦南

山之詩鳥獸之行淫乎其妹者也杜以告杜夫人夏四
諸謹也。○諸直革反責也又丁革反告齊侯

月丙子享公

齊侯為公設享燕之禮

使公子彭生乘公公薨于車

杜上車曰乘彭生多力拉公幹而殺之。○乘如字又絕證反

魯人告于齊曰寡君畏

君之威不敢寧居來修舊好禮成而不反無所歸咎惡

於諸侯請以彭生除之

林言桓公畏齊君之威靈不敢安居於國來齊修舊日之盟好

朝享禮畢而不反其國不知君死之由故咎無所歸恥辱之惡聞於諸侯因彭生與公同車而寃請殺彭生而

除君之恥辱。○好呼報反答其九反

齊人殺彭生

杜不書非卿

○秋齊侯師于

首止

杜陳師首止討鄭弑君也首止衛地陳留襄邑縣東南有首鄉

子亶會之高渠彌

相

林子臺鄭所立以為君者不知齊將討已故會之。相息亮反。

七月戊戌齊人殺子

臺而轅高渠彌

杜車裂曰轅。討其弑昭公也。轅音惠。

祭仲逆鄭子于陳

而立之

杜鄭子昭公弟子儀也。林先出在陳故祭仲逆于陳而立之。

是行也祭仲知

之故稱疾不往曰祭仲以知免仲曰信也

杜時人譏祭仲失忠臣之

節仲以子臺為渠彌所立本既不正又不能固位安民宜其見除故即而然譏者之言以明本意。知音智又

如○周公欲弑莊王而立王子克

杜莊王桓王太子王子克莊王弟子儀。

弑申志反。

辛伯告王遂與王殺周公黑肩王子克奔燕

杜辛伯周

大夫林以周公之謀告莊王先其初子儀有寵於桓王

桓王屬諸周公辛伯諫曰並后

杜妾如后屬音燭

匹嫡

杜庶如嫡

丁歷反

兩政

杜臣擅命

耦國

杜都如國

亂之本也周公弗從故及

辛林

伯以子儀庶子以寵扶如適欲使周公稍減抑之以消禍難周公弗從其言故及於難

左傳杜林合注卷四

欽定四庫全書

左傳杜林合注卷五

明 王道焜

趙如源 同編

莊公一

公名同桓公之子母文姜謚法勝敵克亂曰莊

周

莊王四年。魯莊公十二年莊王崩子僖王立莊十七年僖王崩孫惠王立

鄭

子儀元年。魯莊公十四年鄭傅瑕殺子儀而納厲公莊二十一年厲公卒子文公捷立

齊

襄公五年。魯莊公八年襄公弑莊九年齊桓公小白入于齊是年齊管仲為政

宋

莊公十八年。魯莊公二年宋莊公卒子閔公捷立莊十二年閔公弑弟桓公御說立

晉

翼晉侯緡十四年侯緡之二十七年魯莊公之十六年也曲沃武公伐晉滅之。曲沃武公二十三年魯

莊公十六年滅晉侯緡周僖王命曲沃伯以一軍為晉侯始更號曰晉武公魯莊公十七年武公卒子獻

公伋

諸立

衛

惠公七年癸酉四年。魯莊公六年齊納惠公放於年于周莊二十五年惠公卒子懿公赤立

蔡

哀侯二年。魯莊公十年楚敗蔡師執哀侯以歸莊十九年哀侯卒于楚蔡人自立其子矜為繆侯

曹

莊公九年。魯莊公二十三年曹莊公卒子僖公夷立魯莊公三十二年僖公卒子昭公班立

滕

詳見隱公元年

陳

魯莊公元年十月莊公林卒弟宣公杵臼立

杞

詳見隱公元年
及僖公元年

薛

魯莊公三十
一年薛伯卒

邾

魯莊公十六年邾子克卒即儀父也邾子頃
立莊公二十八年邾子頃卒文公遽蒞立

許

許叔入許五年即僖公
四年許穆公新臣也

小邾

魯莊公五年邾犂來
來朝詳見隱公元年

楚

武王四十八年。魯莊公四年卒子文王熊貲立莊
十九年文王卒子堵敖熊麇立莊二十二年熊惲弑

兄堵敖代立是為楚成王史記以莊十八年為堵敖
元年堵敖立五年遇弑楚成王立十六年齊桓公以兵

侵楚至陘莊公三十
年楚子文為令尹

秦

詳見隱公元年

吳

詳見隱公元年

越

詳見隱公元年

經

戊子

元年春王正月○三月夫人孫于齊

夫人莊公母也魯人責之

故出奔內諱奔謂之孫猶孫讓而去○孫本亦作遜音同傳同

○夏單伯送王姬

杜無傳單

伯天子卿也單采地伯爵也王將嫁女子于齊既命魯為主故單伯送女不稱使也王姬不稱字以王為尊且別

於內女也天子嫁女於諸侯使同姓諸侯主之不親昏尊卑不敵○單音善

○秋築王姬之

館于外

公在諒闇慮齊侯當親迎不忍便以禮接於廟又不敢逆王命故築舍于外

○冬十

月乙亥陳侯林卒

杜無傳未同盟而赴以名林莊公卒子宣公杵臼立

○王使榮

叔來錫桓公命

杜無傳榮叔周大夫榮氏叔字錫賜也追命桓公褒稱其德若昭七年王追命

衛襄之比林此錫命之始桓弑君元自立不請命而王追錫命故王不稱天

○王姬歸于齊

無傳不書逆公不與接

○齊師遷紀邢鄆部

杜無傳齊欲滅紀故徙其三邑之民而取

其地邢在東莞臨朐縣東南部在朱虛縣東南北海都昌縣西有營城林北遷邑之始○邢蒲丁反鄆子斯反

吾鄆音

傳元年春不稱即位文姜出故也

文姜與桓俱行而桓為齊所殺故不敢還

莊公父弑母出故不忍行即位之禮據文姜未還故傳稱文姜出也姜於是感公意而還不書不告廟

三月夫人孫于齊不稱姜氏絕不為親禮也

林文姜之義宜與齊

絕而復奔齊故於其奔去姜氏絕不使之為親所以存兄弟夫婦之禮也

○秋築王姬之館

于外為外禮也

杜齊彊魯弱又委罪於彭生魯不能讐齊然喪制未闕故異其禮得禮之變林

穀梁傳云築之外變之正也仇讐之人非所以接昏姻也衰麻非所以接弁冕也不使齊侯得與吾為禮也

經

丑巳

二年春王二月葬陳莊公

杜無傳魯往會之故書例在昭六年

○夏

公子慶父帥師伐於餘丘

杜無傳於餘丘國名也莊公時年十五則慶父莊公庶兄

○秋七月齊王姬卒

杜無傳魯為主比之內女

○冬十有二月夫

人姜氏會齊侯于禚

杜夫人行不以禮故還皆不書不告廟也禚齊地。禚諸若反。○

乙酉宋公馮卒

杜無傳再與桓同盟林莊公卒子閔公捷立。馮皮冰反。

傳二年冬夫人姜氏會齊侯于禚書姦也

杜文姜前與公俱如齊後

懼而出奔至此始與齊好會會非夫人之事顯然書之傳曰書姦姦在夫人文姜比年出會其義皆同

經

庚寅

三年春王正月溺會齊師伐衛

杜溺魯大夫疾其專命而行故去氏

狄。溺乃反。

○夏四月葬宋莊公

無傳。

五月葬桓王。○秋紀

季以鄫入于齊

杜季紀侯弟鄫紀邑在齊國東安平縣齊欲滅紀故季以邑入齊為附庸先紀

不廢社稷有奉故書字責之。鄫戶圭反本亦作攜。

○冬公次于滑

杜滑鄭地在陳留襄邑縣

西北傳例曰凡師過信為次兵未有所加所次則書之既書兵所加則不書其所次以事為宜非虛次林此書

次之始。○滑手入反又干入反

傳三年春溺會齊師伐衛疾之也

杜傳重明上例

○夏五月葬

桓王緩也

以桓十五年三月崩七年乃葬故曰緩

○秋紀季以鄆入于齊

紀於是乎始判

判分也言分爲附庸始於此

○冬公次于滑將會鄭

伯謀紀故也鄭伯辭以難

林鄭伯子儀也公將會鄭子儀謀紀國之難也時厲公在

櫟故子儀辭以厲公之難。○難乃旦反

凡師一宿為舍再宿為信過信為

次

杜為經書次例也舍宿不書輕也林君行師從卿行旅從言凡師通君臣之稱

經四年春王二月夫人姜氏享齊侯于祝丘

無傳享食也兩

君相見之禮非夫人所用
直書以見其失祝丘魯地

○三月紀伯姬卒

杜無傳隱二年裂婦

所逆者內女唯諸侯夫人
卒葬皆書恩成於敵體

○夏齊侯陳侯鄭伯遇于垂

杜無傳林自參以
上非邦交之舊矣

○紀侯大去其國

以國與季季奉杜稷故不言滅不見

迫逐故不言奔大
去者不反之辭

○六月乙丑齊侯葬紀伯姬

杜無傳紀季入

鄰為齊附庸而紀侯大去其國齊侯加禮初附以
崇厚義故攝伯姬之喪而以紀國夫人禮葬之

○秋

七月○冬公及齊人狩于禚

無傳公越竟與齊微者俱狩失禮可知○狩首又反

傳四年春王三月楚武王荆尸授師子焉以伐隨

杜尸陳也

荆亦楚也更為楚陳兵之法楊雄方言子者戰
也然則楚始於此參用戰為陳○子吉熱反

將齊入

告夫人鄧曼曰余心蕩

杜將授兵於廟故齊蕩動散也。○齊側皆反。

鄧曼歎

曰王祿盡矣盈而蕩天之道也先君其知之矣故臨武

事將發大命而蕩王心焉

杜楚為小國辟陋在夷至此武王始起其衆偕號稱王陳

兵授師志意盈滿臨齊而散故鄧曼以天地鬼神為懲應之符林言楚王享天之祿盡此矣志意盈滿而心始蕩散虧盈益謙此天道自然也楚之宗廟先君其知之矣按楚世家楚僭王號雖始於熊繹其後畏厲王暴虐又去其王號至魯桓公六年楚武王侵隨隨為楚往周請尊楚號不聽桓公八年楚熊通乃自立為武王至是年周召隨侯數以立楚為王楚怒以隨背已伐隨武王卒師中而兵罷則鄧曼之言蓋指楚武僭以為盈而知今日心蕩若師徒無虧王薨於行國之福也

杜王薨於行不死於

敵王遂行卒於櫛木之下

林櫛木木名果如鄧曼之言
○櫛郎蕩反又莫昆武元二

反令尹闢祁莫敖屈重除道梁嗟管軍臨隨隨人懼行

成

杜時秘王喪故為奇兵更開直道嗟水在義陽廐縣
西東南入鄭水梁橋也隨人不意其至故懼而行成

林管軍築軍壘也管軍臨隨示將深溝高壘為持久計
○重直用反一音直容反嗟高責鄉公音側嫁反字林

壯加莫敖以王命入盟隨侯且請為會於漢汭而還

林時

秘王喪故屈重以王命入隨與隨侯盟請與隨為會于
漢水之曲而歸示隨不疑杜汭內也謂漢西○汭如銳

反水曲濟漢而後發喪○紀侯不能下齊以與紀季

杜不

能降屈事齊盡以國與季
明季不叛○下遐嫁反夏紀侯大去其國違齊難也

杜違辟也林避齊之難故大去其國而不反也○難乃旦反

經

壬辰

五年春王正月○夏夫人姜氏如齊師

無傳書姦

○秋

邠犂來來朝

杜附庸國也東海昌慮縣東北有邠城犂來名○邠五兮反後為小邠犂力兮反

○冬公會齊人宋人陳人蔡人伐衛

傳五年秋邠犂來來朝名未王命也

未受爵命為諸侯傳發附庸稱名例

也其後數從齊桓以尊周室王命以為小邠子

○冬伐衛納惠公也

惠公朔也桓十六年

齊出奔

經

癸巳

六年春王正月王人子突救衛

杜王人王之微官也雖官卑而見授

以大事故稱人而又稱字林書救始此○夏六月衛侯
自救衛無功而後王命益不行於天下

朔入于衛

杜朔為諸侯所納不稱歸而以國逆為文朔懼失衆心以國逆告也歸入倒在成十八年

○秋公至自伐衛

無傳告於廟也

○螟

無傳為災螟亡丁反

○冬齊人

來歸衛俘

杜公羊穀梁經傳皆言衛寶此傳亦言寶唯此經言俘疑經誤俘囚也○俘芳夫反

傳六年春王人救衛○夏衛侯入

林諸侯抗王師而納惠公也

放公

子黔牟于周放甯跪于秦殺左公子洩右公子職

杜寘跪衛

大夫甯之以遠曰放甯乃定反跪其毀反

乃即位君子以二公子之立黔

牟為不度矣夫能固位者必度於本末而後立衷焉不

知其本不謀知本之不枝弗強

杜本末終始也東節適也譬之樹木本弱者其

枝必披非人力所能強成林衷中也節適也蓋度終始而後立中為之節適不知其本之可託不謀其事。度

待洛反下同秉丁仲反王音忠強其丈反詩曰本枝百世

杜詩大雅言文王本枝俱茂蕃滋百

世也○冬齊人來歸衛寶文姜請之也

公親與齊共伐衛事畢而還文姜淫

於齊侯故求共所獲珍寶使以歸魯欲說魯以謝慙

○楚文王伐申過鄧鄧祁侯

曰吾甥也

杜祁謚也姊妹之子曰甥林楚文王鄧曼所生故為鄧甥。祁巨支反字林上尸反

止

而享之騶甥聃甥養甥請殺楚子

杜皆鄧甥仕於舅氏也。騶音佳

鄧

侯弗許三甥曰亡鄧國者必此人也若不早圖後君噬

齊

杜若鬻腹齊喻不可及。噬市制反齊祖兮反。

其及圖之乎圖之此為時矣

林其及今時圖殺之乎若圖殺楚子此為得機便之時

鄧侯曰人將不食吾餘

言林

目害其甥必為人所賤故不食吾餘食

對曰若不從三臣抑社稷實不血

食而君焉取餘

杜言君無復餘林凡宗廟之祭薦毛血故曰血食。焉於虔反。

弗從

還年楚子伐鄧

伐申還之年

十六年楚復伐鄧滅之

杜魯莊公十六

年楚終強盛為經書楚事張本

經

甲午

七年春夫人姜氏會齊侯于防

防魯地

○夏四月辛

卯夜恒尾不見

恒常也謂常見之星辛卯四月五日月光尚微蓋時無雲日光不以昏沒。見

賢遍反

夜中星隕如雨

如而也夜半乃有雲星落而且雨其數多皆記異也日光不匿

恒星不見而云夜中者以水漏知之○夜中夜半也中丁仲反又如字隕于閔反

○秋大水

無傳

○無麥苗

今五月周之秋平地出水

○冬夫人姜氏會

齊侯于穀

杜無傳穀齊地今濟北穀城縣

傳七年春文姜會齊侯于防齊志也

文姜數與齊侯會至齊地則姦發夫

人至魯地則齊侯之志故傳畧舉二端以言之

○夏恒星不見夜明也星隕如

雨與雨偕也

林日光不匿故夜明隕而且雨故與雨偕杜偕俱也○偕音皆

○秋無麥

苗不害嘉穀也

杜泰授尚可更種故曰不害嘉穀

經

乙未

八年春王正月師次于郎以俟陳人蔡人

無傳期共伐郎

陳蔡不至故駐師于郎以待之

○甲午治兵

治兵於廟習號今將以圍郎

○夏師及

齊師圍郎郎降于齊師

二國同討而降戶江反傳皆同

○秋師

還

時史善公克已復禮全軍而還故特書師還

○冬十有一月癸未齊無知

弑其君諸兒

杜稱臣臣之罪也林諸兒襄公名。兒如字一音五兮反

傳八年春治兵于廟禮也

林凡師行必告於大廟而奉桃廟之主以行故曰治兵于

廟得出師之禮

○夏師及齊師圍郎郎降于齊師仲慶父請伐

齊師

杜齊不與魯共其功故欲伐之

公曰不可我實不德齊師何罪罪

我之由夏書曰臯陶邁種德

林我實無德可以服鄰齊君實專其功齊之師衆何

罪由我之無德杜夏書逸書也稱臯陶能勉種德邁勉也。夏戶雅反後放此陶音遙德乃降姑

務脩德以待時乎

杜言苟有德乃為人所降服姑且也秋師還君子是以

善魯莊公

杜傳言經所以即用舊史之文

○齊侯使連稱管至父戍葵

丘

杜連稱管至父皆齊大夫戍守也葵丘齊地臨淄縣西有地名葵丘。稱尺證反又如字瓜時而

往曰及瓜而代

林蓋以瓜熟之時而使之往戍與之約曰明年及瓜熟之時則遣代期戍

公問不至

杜問命也。期音基本亦作暮

請代弗許故謀作亂僖公之

母弟曰夷仲年

林僖公之同母弟襄之叔父也

生公孫無知有寵於僖

公衣服禮秩如適襄公紕之二人因之以作亂

林衣服禮數品

秩一如適子適襄公也襄公既立而紕滅其恩數連稱管至父因無知之怨而奉之以作亂。適丁歷反紕勃

律反連稱有從妹在公宮無寵使間公

杜伺公之間隙。從才用反下從者

同間如字或古莧反非

曰捷吾以女為夫人

杜捷克也宣無知之言。捷在接反女音

汝冬十二月齊侯游于姑棼遂田于貝丘

杜姑棼貝丘皆齊地田獵

也樂安博昌縣南有地名貝丘。棼扶云反貝補蓋反

見大豕從者曰公子彭生

也

杜公見大豕而從者見彭生皆妖鬼林彭生蓋桓十八年襄公所殺者

公怒曰彭生敢

見

林言彭生既死敢見形以見我。見賢遍反

射之豕人立而啼公懼隊于

車傷足喪屨反誅屨於徒人費

杜誅責也林既獵而反責取所失之屨於徒役

之人名費者。射食亦反啼田兮反隊直類反喪息浪反屨九具反費音秘

弗得鞭之見血

走出遇賊于門劫而束之費曰我奚御哉袒而示之背

信之費請先入

林費被鞭而走出遇作亂之賊已至于門賊劫費而束縛之費謂賊曰我何嘗

以禦汝曹為事哉告之被鞭而袒衣以示之背賊見其背創而信之費請先入助賊。御魚呂反袒音但伏

公而出關死于門中石之紛如死于階下

林告公以亂而匿之賊信

費未入故費復出關而死于門中杜石之紛如齊小臣亦關死。紛數文反

遂入殺孟陽于

牀

孟陽亦小臣代公居牀。牀七良反

曰非君也不類見公之足于戶下

林公匿戶後其足獨出戶下故為賊所見遂弑之而立無知杜經書十一月

月六日也傳云初襄公立無常政令鮑叔牙曰君使民

慢亂將作矣奉公子小白出奔莒杜鮑叔牙小白傅小

公之使民有慢易之心如葵丘期戍公問不至請代弗許是有慢易之心也語曰以逸道使民雖勞不怨古之

使民豈敢慢哉鮑步卯反亂作管夷吾召忽奉公子糾來奔杜管夷吾

召忽皆子糾傅也子糾小白庶兄來不書皆非卿也為九年公伐齊納子糾齊小白入于齊傳○召時照反糾

居照初公孫無知虐于雍廩杜雍廩齊大夫為殺

經丙申九年春齊人殺無知杜無知弑君而立未列於會

○公及齊大夫盟于訛

杜齊亂無君故大夫得敵於公蓋欲迎子糾也來者非一人故

不稱名訛魯地琅邪繒縣北有訛亭。訛其器反

○夏公伐齊納子糾齊小白

入于齊

二公子各有黨故雖盟而迎子糾當須伐乃得入又出在小白之後小白稱入從國逆之文本

無位 ○秋七月丁酉葬齊襄公

無傳九月乃葬亂故

○八月庚申及

齊師戰于乾時我師敗績

杜小白既定而公猶不退師歷時而戰戰遂大敗不稱公

戰公敗諱之乾時齊地時水在樂安界歧流卑則竭涸故曰乾時。乾音干

○九月齊人取

子糾殺之

公子為賊亂則書齊實告殺而書齊取殺者時史惡齊志在誦以求管仲非不忍其親故

極言 ○冬浚洙

杜無傳洙水在魯城北下合泗浚洙深之為齊備。浚蘇俊反洙音殊

傳九年春雍廩殺無知。○公及齊大夫盟于莒。齊無君

也。

林齊無君故不討以大
夫敵我公詳見經註

○夏公伐齊納子糾桓公自

莒先入。

杜桓公
小白

○秋師及齊師戰于乾時。我師敗績。公

喪戎路。傳乘而歸。

杜戎路兵車傳乘他車。喪息浪
反傳直專反又丁繼反乘繩證反

秦子梁子以公旗辟于下道。

杜二公子御及戎右也林
公既敗師失其戎車恐為

齊禽故二子以公旗辟于下道以誤齊
師。辟音避本亦作避一音婢亦反

是以皆止。

杜止
獲也

林皆為鮑叔帥師來言曰子糾親也請君討之。

杜鮑叔
乘勝而

進軍志在生得管仲故託不忍之辭

管召讐也請受而甘心焉。

杜管仲射
桓公故曰

○ 讐甘心言欲快意戮殺之

乃殺子糾于生竇

杜生竇魯地林魯乃

為齊殺子糾于生竇

○ 召忽死之管仲請囚

林召忽義不辱故從子糾而死管

仲知鮑叔必欲薦已

故請囚繫以罪齊 鮑叔受之及堂阜而稅之

杜堂阜齊地東

荒蒙陰縣西北有夷吾亭或曰鮑叔解夷吾縛於此
因以為名○ 稅本又作說同吐活反一音失銳反 歸

而以告曰管夷吾治於高傒

杜高傒齊卿高敬仲也言管仲治理政事之才多於

敬仲林公從鮑叔之言而相管仲此管仲所謂生
我者父母知我者鮑叔者也○ 治直吏反傒音兮 使相

可也公從之

○ 相息亮反

經 丁酉 十年春王正月公敗齊師于長勺

杜齊人雖成列魯以權譎橋之

列成而不得用故以未成為文例
在十一年長勺魯地○勺上酌反
○二月公侵宋杜無傳侵

例在二
十九年
○三月宋人遷宿杜無傳宋強遷之而取其地

始
○夏六月齊師宋師次于郎杜不言侵伐齊為兵主背說之盟義與長勺同

林其言次何以桓公圖伯而未集也是故書次即以見

齊伯之難書次厥貉以見楚伯之難書次于鄆以見復

伯之難

公敗宋師于乘丘乘丘魯地
○秋九月荆敗蔡

師于莘荆楚本號後改為楚楚辟陋在夷於此始通上

地林此書荆之始亦荆猾夏之始亦荆專執諸侯之始

此夷夏之大變也荆敗蔡師于莘是猾夏之始也吳敗

頓胡沈蔡陳許之師于鷄父則諸侯之亡者寡矣

是故書荆自此始而春秋以具終始焉○莘所巾反

蔡侯獻舞歸

杜獻舞
蔡李

○冬十月齊師滅譚

杜譚國在濟
南平陵縣西

南傳曰譚無禮此直釋所以見滅經無義例他皆放此
滅例在文十五年林此滅國之始管仲攻瑕之術也○

譚徒
南反

譚子奔莒

不言出奔國
滅無所出

傳十年春齊師伐我

杜不書侵伐齊背
莒之盟我有辭

公將戰曹劌請

見

杜曹劌魯人○劌古
衛反見賢通反下同

其鄉人曰肉食者謀之又何間

焉

林肉食謂在位有祿食肉者言國有大事肉
食者已有定謀間猶廁也又何必廁其間

劌曰肉

食者鄙未能遠謀乃入見問何以戰公曰衣食所安弗

敢專也必以分人

林衣食二者雖吾身之所安弗敢
自專其有必以分與人之凍餒者對

曰小惠未徧民弗從也

杜分公衣食所惠不過左右故曰未徧林民未懷惠必不從公

所使徧音遍

公曰犧牲玉帛弗敢加也必以信

林犧牲牛羊豕之屬玉珪

璧帛幣也皆祭祀禮神之物牲玉自有常數弗敢有加於舊祝史必陳信於鬼神不敢以小為大以惡為美

犧許對曰小信未孚神弗福也

林此特一念之小信未孚於上下神未必降之

福杜孚大信也

公曰小大之獄雖不能察必以情

林言爭訟刑罰之類雖不

能徧察其曲直當否必盡已之情以求人之情

對曰忠之屬也可以一戰

林上思利

民忠也故言莊公以情察獄為忠之一端民感其忠思欲報上故可用以一戰

屬音蜀戰則請從

公與之乘

杜共乘兵車。從才用反乘繩證反

戰于長勺公將鼓之蒯曰

未可齊人三鼓劓曰可矣齊師敗績公將馳之

林大崩曰敗績

莊公將馳軍以追齊之奔。三息暫反又如字

劓曰未可下視其轍

杜視車跡也。轍直

列登軾而望之

林又登車前橫木為軾者以望齊師之旌旗。軾音式

曰可矣遂

逐齊師既克公問其故

林莊公問曹劓以不鼓及視轍登軾之故

對曰夫戰

勇氣也一鼓作氣再而衰三而竭彼竭我盈故克之夫

大國難測也懼有伏焉吾視其轍亂望其旗靡故逐之

林爭戰之道以勇氣為主兵以鼓進方一鼓之初正勇氣發作之時至再鼓則敵有玩心而勇漸衰及至三鼓則敵有怠心而勇氣竭矣彼既三鼓則軍心玩怠而竭我軍久不得進驟而鼓之則勇氣方盛此我所以克齊

師夫齊為大國難測恐其詐奔若詐奔必設伏兵以要我故懼其有伏焉詐奔則轍跡必整今轍亂知其非詐詐奔則旗旂必整今旗倒知其非詐見其怖遽之甚故逐其師而克○伏如字舊扶又反旗音其靡音美

夏六月齊師宋師次于郎公子偃曰宋師不整可敗也

公子偃魯大夫宋敗齊必還請擊之公弗許自雩門竊出蒙臯

比而先犯之杜雩門魯南城門臯比虎皮皮林公子偃又請自雩門潛師竊出以虎皮蒙馬而先犯

宋師胥臣蒙馬以虎皮亦此術○雩音于比音毗公從之大敗宋師于乘丘齊

師乃還○蔡哀侯娶于陳息侯亦娶焉林息侯亦娶陳女息媯

將歸過蔡蔡侯曰吾姨也妻之姊姊曰姨止而見之弗賓杜不禮敬

也 息侯聞之怒使謂楚文王曰伐我吾求救於蔡而伐

之

杜設計使楚以兵伐息求救於蔡而致其師而共伐蔡師

楚子從之秋九月楚敗

蔡師于莘以蔡侯獻舞歸

林敗蔡而執其君經不言執蔡侯以歸蓋蔡自是服於楚

也

○齊侯之出也

林桓公為公子出奔莒之時

過譚譚不禮焉及其

入也諸侯皆賀譚又不至

杜以九年入過古未反

冬齊師滅譚譚

無禮也譚子奔莒同盟故也

傳言譚不能及遠所以亡

左傳杜林合注卷五

欽定四庫全書

左傳杜林合注卷六

明 王道焜

趙如源 同編

莊公二

經

戊戌

十有一年春王正月

無傳

○夏五月戊寅公敗宋師

于鄆

杜鄆魯地傳例曰敵未陳曰敗某師○鄆子斯反

○秋宋大水

公使弔之故書

○

冬王姬歸于齊

魯主昏不書齊侯逆不見公

傳十一年夏宋爲乘丘之役故侵我公禦之宋師未陳

而薄之

林宋師未成列而薄之迫與之戰也。為于偽反。

敗諸鄆凡師敵未陳

曰敗某師

通謂設權誘變詐以勝敵彼我不得成列成列而不得用故以未陳獨敗為文。陳直觀

反下

皆陳曰戰

堅而有備各得其力者也。

大崩曰敗績

師徒

若沮岸崩山喪其功績故曰敗績

得雋曰克

謂若大叔段之比才力足以服衆威權足以自固進

不成為外寇強敵退復狡壯有二君之難而實非二君克而勝之則不言彼敗績但書所克之名。雋音俊本

或作俊

覆而敗之曰取某師

覆謂威力兼備若羅網所掩覆一軍皆見禽制故以取為

文京師敗曰王師敗績于某

王者無敵於天下天下非所得與戰者然春秋之世

據有其事事列於經則不得不因申其義有時而敗則以自敗為文明天下莫之得救。京師敗本或作京師

敗績者非

○秋宋大水公使弔焉曰天作淫雨害於棗盛

林泰

稷為棗在器為盛言棗盛蓋以宗廟祭祀為重

若之何不弔

不為天所懲弔

對曰孤實

不敬

林言孤實不敬天地宗廟諸侯降名稱孤

天降之災又以為君憂拜命

之辱

杜謝辱厚命

臧文仲曰宋其興乎

臧文仲魯大夫

禹湯罪已其

興也悖焉

杜悖盛貌○悖蒲忽反一作勃同

桀紂罪人其亡也忽焉

杜忽

連貌○紂直久反

且列國有凶稱孤禮也

杜列國諸侯無凶則常稱寡人林不以常

辭稱寡人而以降名稱孤得引咎自責之禮

言懼而名禮其庶乎

杜言懼罪已名禮稱

孤其庶庶幾於興○言懼而名禮絕句或以名絕句者非

既而聞之曰公子御說之

辭也

杜宋莊公子。御魚呂反本或作禦說音悅

臧孫達

林即臧文仲

曰是宜為

君有恤民之心

林蓋明年御說立為宋君之後文仲方聞其辭故曰是宜得為宋君百姓有過

在予一人是恤民也故傳以宋引咎自責為恤民蓋宋興之言既不驗而御說得為君傳因備其事以為證驗

○冬齊侯來逆共姬

林共姬即主姬齊桓公之夫人二共姬其一也。共音恭

○乘

丘之役

杜在十年

公以金僕姑射南宮長萬

杜金僕姑矢名南宮長萬宋大夫

夫。射食亦反長丁丈反

公右飲孫生搏之

杜搏取也。不書獲萬時未為卿。飲市專反搏

音博宋人請之宋公靳之

杜戲而相愧曰靳魯聽長萬還。靳居觀反服云恥而惡之曰

靳曰始吾敬子今子魯囚也吾弗敬子矣

林萬嘗為魯獲故謂之魯

因此皆戲病之杜萬不以爲戲而以爲萬之言已病爲宋萬弑君傳

經已亥十有二年春王三月紀叔姬歸于鄆杜無傳紀侯去國而死叔

姬歸魯紀季自定於齊而後歸之全守節義以終婦道故繫之紀而以初嫁爲文賢之也來歸不書非寧且非

大歸。鄭音攜○夏四月○秋八月甲午宋萬弑其君捷及其

大夫仇牧杜捷閔公不書葬亂也萬及仇牧皆宋卿仇牧稱名不警而遇賊無善事可褒林閔公捷

弑桓公御說立冬十月宋萬出奔陳杜奔例在宣十年

傳十二年秋宋萬弑閔公于蒙澤杜蒙澤宋地梁國有蒙縣林宋萬卽南宮

萬遇仇牧于門批而殺之林宋萬多力故以手批仇牧而殺之。批普達反又蒲究

反字林

遇大宰督于東宮之西又殺之

杜殺督不書宋不以告。大音

秦

立子游

杜子游宋公子

羣公子奔蕭公子御說奔毫

杜蕭宋邑今沛

國蕭縣毫宋邑蒙縣西北有毫城。毫步各反

南宮牛猛獲帥師圍毫

杜牛長萬之子

其黨

○冬十月蕭叔大心

杜叔蕭大夫名

及戴武宣穆莊之族

宋五公之子孫

以曹師伐之殺南宮牛于師殺子游于宋

林以曹師

伐南宮牛圍毫之師乘勝入宋而殺子游

立桓公

桓公御說

猛獲奔衛南宮萬奔

陳以乘車輦其母一日而至

乘車非兵車駕人曰輦宋去陳二百六十里言萬之

多力。南宮萬木或作長萬長衍字也下亦然乘繩證反

宋人請猛獲于衛衛人欲

勿與石祁子曰不可

石祁子
衛大夫

天下之惡一也惡於宋而

保於我保之何補得一夫而失一國與惡而弃好非謀

也

林言弑逆為天下之大惡其惡則一宋人以為大惡而我獨保庇之保庇猛獲何補於衛得一猛獲而失

一衛與猛獲之惡而棄衛國之好非善謀也杜宋衛本同好國。好呼報反

衛人歸之亦請

南宮萬于陳以賂陳人使婦人飲之酒而以犀革裹之

比及宋手足皆見宋人皆醢之

林萬多力故設計先使婦人醉之以酒乘其醉

而以犀牛之革裹之皮去毛曰革萬蹴踏犀革皆破故萬之手足皆見並見萬之多力杜醢肉醬并醢猛獲故

言皆。亦請南宮萬于陳以賂絕句飲於鳩反犀音西裹音果比必利反見賢遍反醢音海

經

庚子

十有三年春齊侯宋人陳人蔡人邾人會于北杏

林北杏齊地衣裳之會一序齊於諸侯之上而獨書爵始伯之辭也自是無特相會者矣王風之什絕筆於莊王而僖王之立齊桓之伯皆在是年

此王伯興衰之機也。杏尹猛反。

○夏六月齊人滅

遂

杜遂國在濟北蛇丘縣東北林舜之後

○秋七月○冬公會齊侯盟于

柯

杜此柯今濟北東阿齊之阿邑猶祝柯今為祝柯林曹則劫盟魯之從齊獨後他國而復劫盟所以為禮

義之國也柯古河反

傳十三年春會于北杏以平宋亂

宋有弑君之亂齊桓欲修霸業

遂人

不至○夏齊人滅遂而戍之

杜戍守也

○冬盟于柯始及齊

平也

始與齊桓通好

○宋人背北杏之會

林齊人既會北杏而背齊好○背音佩

經

辛丑

十有四年春齊人陳人曹人伐宋

杜背北杏會故

○夏單

伯會伐宋

杜既伐宋單伯乃至故曰會伐宋單伯周大夫林於是諸侯初用王師

○秋七

月荆入蔡

杜入例在文十五年

○冬單伯會齊侯宋公衛侯鄭伯

干鄆

杜鄆衛地今東鄆甄城也齊桓修霸業卒平宋亂宋人服從欲歸功天子故赴以單伯會諸侯為文

林衣裳之會二此諸侯會王臣之始是年鄭殺子儀鄆厲公復國會鄭即鄆厲公也○鄭音觸

傳十四年春諸侯伐宋齊請師于周

杜齊欲崇天子故請師假王命以示

大順經言人傳言諸侯總衆國之辭

夏單伯會之取成于宋而還

林周使單伯會

齊伐宋宋人聽命
諸侯取成而反

○鄭厲公自櫟侵鄭

杜厲公以桓十五年入櫟遂居

之。櫟音歷

及大陵獲傳瑕

杜大陵鄭地傳瑕鄭大夫

傳瑕曰苟舍我吾

請納君與之盟而赦之六月甲子傳瑕殺鄭子及其二

子而納厲公

杜鄭子莊四年稱伯會諸侯今見殺不稱君無諡者微弱臣子不以君禮成喪告諸

侯。舍音捨鄭子子儀

初內蛇與外蛇鬪於鄭南門中內蛇死六

年而厲公入

林先時鄭南門內一蛇與門外一蛇相鬪門內之蛇死後六年傳瑕殺鄭子納厲公

應內蛇死外蛇勝之象。蛇市春反

公聞之問於申繻曰猶有妖乎對曰

人之所忌其氣燄以取之妖由人興也

杜尚書洛誥無若火始燄燄未

盛而造退之時以喻人心不堅正林子儀在鄭常畏忌厲公之奪其國畏忌之氣破足以致蛇妖之異妖由于儀畏忌厲公太過所致故曰由人無繫焉妖不自作與也。繻音須妖於驕反鍊音藍

人弃常則妖興故有妖

林荀人無繫隙之可乘則妖不能自作興言子儀棄其常道則

蛇妖乘其繫隙而興故鄭有蛇妖之禍。繫許靳反

厲公入遂殺傅瑕使謂原繁

曰傅瑕貳

杜言有二心於已

周有常刑既伏其罪矣納我而無

二心者吾皆許之上大夫之事吾願與伯父圖之

林諸侯皆

用周法故言周家有典常之刑杜上大夫卿也伯父謂原繁疑原繁有二心

且寡人出伯父

無裏言

杜無納我之言。裏音里

入又不念寡人

杜不親附已

寡人憾焉

對曰先君桓公命我先人典司宗祏

林桓公鄭始受封君也宗祏宗廟中

藏主石室言已世為宗廟守臣。憾戶暗反祏音石

社稷有主而外其心其何貳

如之苟主社稷國內之民其誰不為臣臣無二心天之

制也子儀在位十四年矣而謀召君者庸非貳乎

林子儀既

為鄭國社稷之主更復謀納厲公是外其心其何二心如之苟主鄭國之社稷以為君凡在國內之民其誰敢不為之臣為人臣不敢懷二心事君此上天之所制鄭既有君而謀召厲公者用非有二心者乎社庸用也

莊公之子猶有八人若皆以官爵行賂勸貳而可以濟

事君其若之何臣聞命矣乃縊而死

林設使八人者皆如厲公以上大夫

之官爵行賂而勸二心之臣使之納已而可以濟其篡奪之事則貳心之臣又將殺厲公以取厚利厲公亦將末如之何也已。莊公之子猶有八人傳唯見四子子忽子疊子儀並死獨厲公在八人名字記傳無聞繼一

賜反

○蔡哀侯為莘故繩息媯以語楚子

杜莘役在十年絕譽也林蔡哀

侯為息侯誘蔡而敗之于莘之故譽息媯之莢以告楚文王。為于偽反莘所中反語魚據反繩食承反說文

譌作

楚子如息以食入享遂滅息

杜偽設享食之具。食音嗣

以息媯

歸生堵敖

林息媯長子楚人謂未成君為敖。堵丁古反敖五羔反史記作杜敖

及成王

焉

林息媯次子

未言

杜未與王言

楚子問之對曰吾一婦人而事

二夫縱弗能死其又奚言楚子以蔡侯滅息遂伐蔡秋

七月楚入蔡

林楚子感息媯之言因思滅息取媯之故實由蔡侯伐蔡以說息媯弗地曰入言入

蔡弗有其地也

君子曰商書所謂惡之易也如火之燎于原不

可鄉邇其猶可撲滅者其如蔡哀侯乎

杜尚書盤庚言惡易長而難滅

○易以鼓反燎力召反又力弔反卿許亮反撲普十反

○冬會于鄆宋服故也

經

壬寅

十有五年春齊侯宋公陳侯衛侯鄭伯會于鄆

林衣

棠之會三齊桓公始伯

○夏夫人姜氏如齊

無傳夫人姜齊桓公姊妹父母在則禮

有歸寧殯則使卿寧

○秋宋人齊人邾人伐鄆

林鄆即小邾宋主兵故序齊上○鄆

反五今

○鄭人侵宋○冬十月

傳十五年春復會焉齊始霸也

杜始為諸侯長
○復扶又反

○秋諸

侯為宋伐鄭

鄭附庸屬宋而叛故齊桓為之伐鄭。為于偽反

鄭人間之而

侵宋

林間諸侯有伐鄭之事
間間廁之間一本作聞

經

癸卯

十有六年春王正月○夏宋人齊人衛人伐鄭

杜宋

主兵也班次上下以國大小為次征伐則以主兵為先春秋之常也他皆放此林齊楚爭鄭於是始

○秋

荆伐鄭

林荆患自蔡及鄭矣

○冬十有二月會齊侯宋公陳侯衛

侯鄭伯許男滑伯滕子同盟于幽

杜書會魯會之不書其人微者也言同盟

服異也陳國小每盟會皆在會下齊桓始霸楚亦始疆陳侯介在三大國之間而為三恪之客故齊桓因而進

之遊班在衛上終於春秋滑國都費河南緄氏縣幽宋地林衣裳之會四齊桓公初主盟也自是無特相盟者

矣

○邾子克卒

杜無傳克儀父名稱子者蓋齊桓請王命以為諸侯再同盟林儀父卒邾子頊

立

傳十六年夏諸侯伐鄭宋故也

杜鄭侵宋故。宋故也本或作為宋故

鄭伯自櫟入

杜在十四年

緩告于楚

林緩遣使告入國于楚

秋楚伐鄭

及櫟為不禮故也

偽為于反

○鄭伯治與於雍糾之亂者

林桓十五年鄭祭仲殺雍糾逐厲公今厲公返國九月祭仲已死故治與於糾糾逐君之亂者。與音預

殺公子閔則強鉏

二子祭仲實斷足曰則。閔安宋反按隱十一年鄭有公孫閱距此三十

五年不容復有公子闕若非闕字誤則公父定叔出奔

子當為孫則音月又五割反鉏仕魚反

衛

共叔段之孫定諡也。父音甫。

三年而復之曰不可使共叔無後於

鄭使以十月八日良月也就盈數焉

林定叔奔衛三年後而復召之言定

叔雖有罪不可絕共叔段之祀使定叔以十月入鄭數始於一盈於十故以盈數為良月

君子謂強

鉏不能衛其足

杜言其不能早辟害

○冬同盟于幽鄭成也

林得鄭之

成也 ○王使虢公命曲沃伯以一軍為晉侯

杜曲沃武公遷并晉國僖

王因就命為晉侯小國故一軍

○初晉武公伐夷執夷詭諸

杜夷詭諸周大夫夷

采地名。九委反。 為國請而免之

杜為國周大夫林請詭諸於晉武而免其執。為于委反。

既而弗報

杜說諸不報施於為國

故子國作亂謂晉人曰與我伐

夷而取其地

林子國即為國怨詭諸而作亂使晉人與我伐夷而以其地與晉

遂以晉

師伐夷殺夷詭諸周公忌父出奔虢

杜周公忌父王卿士辟子國之難

惠王立而復之

魯桓十五年經書桓王崩魯莊三年經書桓王自此以來周有莊王又有僖

王崩葬皆不見於經傳王室微弱不能復自通於諸侯故傳因周公忌父之事而見惠王惠王立在此年之末

經甲辰十有七年春齊人執鄭詹

杜齊桓始霸鄭既伐宋又不朝齊詹為鄭執政

大臣詣齊見執不稱行人罪之也行人倒在襄十一年諸執大夫皆稱人以執之大夫賤故曰詹之康反

夏齊人殲于遂

殲盡也齊人伐遂翫而無備遂人討而盡殺之故時史因以自盡為文○殲子

康

○秋鄭詹自齊逃來

無傳詹不能伏節守死以解國患而遁逃苟免書逃以賤之

○冬多麋

無傳麋多則害五稼故以災書。麋亡悲反

傳十七年春齊人執鄭詹鄭不朝也○夏遂因氏領氏

工婁氏須遂氏饗齊戌醉而殺之齊人殲焉

杜塞酒食也四族遂

之疆宗齊滅遂戌之在十三年林四族以酒食享齊戌來齊戌之醉而殺之齊人盡為所殺無得免者○領焉納反又苦答反婁方侯反饗本又作享

經_{乙巳}十有八年春王三月日有食之

無傳不書日官失之

○夏公

追戎于濟西

杜戎來侵魯公逐之於濟水之西林魯始治戎

○秋有螽

杜穀短狐也蓋

以舍沙射人為災。○襲本又作蛾音或本草謂之射工。

○冬十月

傳十八年春虢公晉侯朝王王饗醴命之宥

林時惠主新即位故

西虢公與晉獻公俱朝于周杜王之覲羣后始則行饗禮先置醴酒示不忘古飲宴則命以幣物宥助也所以

助勸敬之意言備設禮音禮有音又

皆賜玉五穀馬三匹非禮也

杜雙玉為

○穀林非命宥之禮也穀音角本又作珏

王命諸侯名位不同禮亦異數不

以禮假人

林公侯之名位不同上公八命侯伯七命杜侯而與公同賜是借人禮

○虢公

晉侯鄭伯使原莊公逆王后于陳陳嬀歸于京師

杜虢晉朝

王鄭伯又以齊執其卿故求王為接皆在周倡義為王定昏陳人敬從得同姓宗國之禮故傳詳其事不書不

告

實惠后

陳媯後疏惠后寵愛少子亂周室事在
僖二十四年故傳於此並正其后稱

○夏

公追戎于濟西不言其來諱之也

戎來侵魯魯人不知
去乃追之故諱不言

其來 ○秋有螽為災也 ○初楚武王克權使闔緡尹之

杜

國名南郡當陽縣東南有雅
城闔緡楚大夫 ○緡亡巾反

以叛圍而殺之

緡以權叛
以叛絕

句本或
作畔

遷權於那處

杜那處楚地南郡編縣東南有那
口城 ○那又作勝同乃多反處昌

呂反又
昌慮反

使閭敖尹之

閭敖楚
大夫

及文王即位與巴人伐申

林在
六年

而驚其師

楚驚
巴師

巴人叛楚而伐那處取之遂門于

楚

杜攻楚
城門

閭敖游涌而逸

杜涌水在南郡華容縣閭敖
既不能守城又游涌水而走

音勇

楚子殺之其族為亂冬巴人因之以伐楚

林楚又討其罪

而殺之問救之族為亂巴人因問救之亂以伐楚國

經

丙午

十有九年春王正月○夏四月○秋公子結媵陳

人之婦于鄆遂及齊侯宋公盟

無傳公子結魯大夫公羊穀梁皆以為魯女媵

陳侯之婦其稱陳人之婦未入國畧言也大夫出竟有可以安社稷利國家者則專之可也結在鄆聞齊宋有會權事之宜去其本職遂與二君為盟故備書之本非魯公意而又失媵陳之好故冬各來伐○媵以證反又

送也

○夫人姜氏如莒

無傳非父母國而往書姦

○冬齊人宋人

陳人伐我西鄙

無傳幽之盟魯使微者會鄆之盟又使媵臣行所以受敵鄙邊邑

傳十九年春楚子禦之大敗於津

杜禦巴人為巴人所敗津楚地或曰江陵

縣有津鄉林承上文禦巴人伐楚之師

還鬻拳弗納遂伐黃

杜鬻拳楚大閭黃廐姓國

今弋陽縣林弗納楚子澈其志使別立功楚子感其忠遂伐黃國○鬻音育拳求圓反

敗黃師于

踏陵

杜踏陵黃地○踏在亦十畧二反

還及湫有疾

杜南郡都縣東南有湫城○湫子小

反

夏六月庚申卒

林楚文王卒子堵敖立

鬻拳葬諸夕室

杜夕室地名

夕朝夕之夕

亦自殺也而葬於絰皇

杜絰皇冢前閭生守門故死不失職○絰田結

反

初鬻拳強諫楚子楚子弗從臨之以兵懼而從之鬻

拳曰吾懼君以兵罪莫大焉遂自刎也楚人以為大閭

謂之大伯

林言我以兵懼吾君人臣之罪莫大於此遂自則其足以示刳君之罪楚子以鬻拳為賢

但既自則不可復用故以為大閹杜若今城門校尉官。強其大反大音泰

使其後掌之

杜使

其子鬻拳常主此官

君子曰鬻拳可謂愛君矣諫以自納於刑刑

猶不忘納君於善

林以兵諫君而自則其足既則其足猶時進忠諫不忘納君於善此言鬻

拳所為非人臣之法但其心忠愛宛轉自白惟楚文王能盡其忠愛所以興也

○初王姚嬖于

莊王生子頹

杜王姚莊王之妾也姚姓也。姚羊消反嬖必計反頹徒回反

子頹有寵

為國為之師

林其母嬖故子頹有寵莊王使為國為子頹師

及惠王即位

杜周惠王

莊王取為國之圃以為圃

杜園圃也園苑也。圃必古反又音布園音又邊伯

之宮近於王宮王取之

杜遵伯周大夫林惠王又取王
違伯之宮室以孟王之宮室

奪子禽祝跪與詹父田

杜三子周大夫
跪求委反

而收膳夫之秩

杜膳夫石速也秩
祿也。收式周反

故薦國邊伯石速詹父子禽祝跪作

亂因蘇氏

林傳詳言六人作亂之由杜蘇氏周大夫桓
王奪其十二邑以與鄭自此以來遂不和

○秋五大夫奉子頹以伐王

杜石速士也故
不在五大夫數

不克出奔

溫

林溫蘇氏邑五大
夫奉子頹以奔蘇

蘇子奉子頹以奔衛衛師燕師伐

周

林衛惠公亦抗莊王以入國者與周不
和故蘇子奉子頹以奔衛國。燕南燕

冬立子頹

經

丁未

二十年春王二月夫人姜氏如莒

無傳

○夏齊大災

杜無傳來告以大故書天

○秋七月○冬齊人伐戎

林無

傳齊始

治戎

傳二十年春鄭伯和王室不克

林鄭厲公與惠王子頹為和欲使各復其舊不

能得

執燕仲父

林燕仲父南燕伯為伐周故

夏鄭伯遂以王歸王處

于櫟秋王及鄭伯入于鄆

杜鄆邑。鄆王所取鄭邑。鄆鳥苦反

遂入成周取

其寶器而還冬王子頹享五大夫樂及徧舞

林王子頹既立乃為

薦國等五大夫設享燕之禮徧舞黃帝堯舜夏商周六代之樂。徧音遍

鄭伯聞之見虢叔

杜叔虢公字

曰寡人聞之哀樂失時殃咎必至今王子頹歌

舞不倦樂禍也

林人之哀樂各有其時當哀而樂當樂而哀謂之失時凡失時者災殃咎戾必

至其身時類已立而稱王子不與其為王也樂必歌舞協律故曰歌舞不倦言不怠也是以王室之禍為可樂

也。樂音洛殃於良反咎其久反

夫司寇行戮

司寇刑官

君為之不舉

杜去盛饌

而况敢樂禍乎奸王之位禍孰大焉臨禍忘憂憂必及

之盍納王乎

林謂子類奸犯惠王而篡其位天下之患難孰大於此子類當王室之禍而無憂戚

之心必有殺戮之憂及乎其身何不相與以討子類而舉納王之義乎。奸音干盍胡臘反何不也 虢公

林號叔之父

曰寡人之願也

經

戊申

二十有一年春王正月。夏五月辛酉鄭伯突卒

杜十六年與魯大夫盟于幽林鄭厲公卒子文公捷立

○秋七月戊戌夫人姜氏

薨

杜無傳薨寢附姑赴於諸侯故具小君禮書之

○冬十有二月葬鄭厲公

無傳

八月乃葬緩慢也

傳二十一年春胥命于弭夏同伐王城

杜鄭號相命弭鄭地○弭而爾

反

鄭伯將王自圉門入虢叔自北門入殺王子頹及五

大夫鄭伯享王于闕西辟樂備

杜闕象魏也林鄭厲公以惠王復辟故為王設

享禮于象魏之西偏亦備六代之樂樂及編舞樂備其理則一特文樂之變○圉魚呂反辟蒲歷反

王與

之武公之畧自虎牢以東

杜畧界也鄭武公傳平王平王賜之自虎牢以東後失其

地故惠王今復與之

原伯曰鄭伯效尤其亦將有咎

杜原

伯原莊公也言效子顏舞攝樂林言鄭伯效季子顏之過備樂享燕於子顏新死之餘蓋子顏惠王之叔父雖

有罪當誅豈可從而歌舞之乎言鄭伯亦必有殃咎及之○效戶教反

五月鄭厲公卒王

巡號守

杜巡守於號國也天子省方謂之巡守○守音符本或作狩後放此

號公為王宮

干珪

杜珪號地。珪蒲項反。

王與之酒泉

杜酒泉周邑

鄭伯之享王也

王以后之擊鑑予之

杜后王后也擊帶而以鑑為飾也今西方羌胡猶然古之遺服○擊

步于反紳帶也又蒲官反鑑工暫反鏡也

號公請器王子之爵

杜爵飲酒器

鄭伯

由是始惡於王

林鄭厲公以王與號厚與鄭薄由是始與王室有惡為僖二十四年鄭執王使

張本。○惡鳥。冬王歸自虢。傳言王路反又如字。

傳言王也。

經。已酉二十有二年春王正月肆大青。無傳。赦有罪也。易稱赦過宥罪。書稱

青災肆赦。傳稱肆青。國鄭皆放赦罪人。蕩滌衆故。以新其心。有時而用之。非制所常。故書。○青所景反。

癸丑葬我小君文姜。無傳。反哭成喪。故稱小君。○陳人殺其公子御。

寇。宣公大子也。陳人惡其殺大子之名。故不稱君父。以國討公子。告。○御音禦。本亦作禦。○夏五

月。林無事。以首時書者。五十九。惟此書五月。昭十年書十二月。○秋七月丙申及齊。

高偃盟于防。無傳。高偃齊之貴卿。而與魯之微者盟。齊桓謀接諸侯。以崇霸業。○冬公

如齊納幣。無傳。公不使卿而親納幣。非禮也。母喪未再期而圖昏。二傳不見所譏。左氏又無傳失禮。

明故

傳二十二年春陳人殺其大子御寇杜傳稱太子以實言陳公子

完與顓孫奔齊

公子完顓孫皆御寇之黨。顓音專。

顓孫自齊來奔

杜不書非

卿齊侯使敬仲為卿杜敬仲陳公子完

辭曰羈旅之臣

杜羈寄也旅客

也幸若獲宥及於寬政林所幸得陳君之赦宥及於齊國寬天之政

赦其不

閑於教訓而免於罪戾弛於負擔

林赦其不閑習教訓之罪而不計其出奔

之罪戾去其負擔奔走之勞而得息肩於此杜弛去離也。弛失氏反。弛丁暫反。

君之惠也所

獲多矣敢辱高位以速官謗

林敢不敢也言不敢辱齊卿之高位以速召官府之

諄諄蓋當官不能共職則諄諄請以死告杜以死自誓

免齊卿之位詩云翹翹車乘招我以弓豈不欲往畏我友朋

杜逸詩也翹翹遠貌古者聘士以弓言雖貪顯命懼為朋友所譏責。翹祁亮反乘繩證反使為工

正杜掌百工之官飲桓公酒樂杜齊桓賢之故就其家會據主

鳩反樂音洛下同公曰以火繼之辭曰臣卜其晝未卜其夜不

敢君子曰酒以成禮不繼以淫義也以君成禮弗納於

淫仁也林樂餘不忍輒散故欲繼之以燭臣之享君禮

則未之卜也飲酒之道以成歡敬之禮而已淫沉酒也不敢夜飲而繼之以淫酒是為合宜之義以其君成飲

酒之禮不敢夜飲而納君
於淫酒是為愛君之仁

初懿氏卜妻敬仲

杜懿氏陳大夫龜曰

卜。妻
七計反

其妻占之曰吉

杜懿氏妻

是謂鳳凰于飛和鳴鏘鏘

杜雄曰鳳雌曰皇雄雌俱飛相和而鳴鏘鏘然猶敬仲夫妻相隨適齊有聲譽。和如字又戶臥反鏘七羊反

本又
作將

有媯之後將育于姜

杜媯陳姓姜齊姓林言敬仲將長育于齊也

五世

其昌並于正卿八世之後莫之與京

杜京大也林此皆所占之辭。並下

本或作
並為誤

陳厲公蔡出也

杜姊妹之子曰出

故蔡人殺五父而立

之

杜五父陳佗也殺陳佗在桓六年

生敬仲其少也周史有以周易見

陳侯者

林敬仲年少時周大史有以周易象數之學見陳侯言吉凶者。少詩照反見如字又賢遍反

陳侯使筮之

杜著曰筮
筮上制反

遇觀三三

杜坤下巽上觀
觀古亂反之

否三三

坤下乾上否觀六四爻
變而為否。否備矣反

曰是謂觀國之光利用

賓于王

杜此周易觀卦六四爻辭易之為書六爻皆有
變象又有互體聖人隨其義而論之林舉觀六

四之爻以為六四近五六之君是謂
觀國家之光筆利用作賓于王家

此其代陳有國乎

林此下乃周史釋爻辭之義以為陳為舜後作賓
於周家者也今敬仲得此卦其當代陳有國乎

不在

此其在異國非此其身在其子孫光遠而自他有耀者

也坤土也巽風也乾天也風為天於土上山也

林言敬
仲代陳

不在此國當在他國非此敬仲之身代陳有國在敬仲
之子孫其光尚遠而自他處遠地有光明者也坤為土

此觀下卦巽為風此觀上卦乾為天此觀六四變為乾
卦巽變為乾乾上坤下故曰於土上此否卦正卦三四
五爻為艮變卦二三四爻亦為艮
故曰山也此互體。乾其然反 有山之材而照之以

天光於是乎居土上

杜山則材之所生上有乾下有坤故言居土上照之以天光林艮為

山巽為木故曰有山之材此以互體言之巽變為乾故曰照之以天光此以變卦言山之材天之光皆居坤之上故曰居土上此以正卦變卦互體詳言之 故曰觀國之光利用賓于王 杜

為諸侯變而之乾有國朝王之象

庭實旅百奉之以玉帛天地之美具

焉故曰利用賓于王

杜艮為門庭乾為金玉坤為布帛諸侯朝王陳贄幣之象旅陳也百

言物

猶有觀焉故曰其在後乎

杜因觀文以傳占故言猶有觀非在已之言故

知在子孫林此以卦義言觀感而化
非朝夕所能故曰在後。觀古亂反
風行而著於土故

曰其在異國乎

林行而著於土則不在本國明
矣故曰在異國。著直畧反

若在異

國必姜姓也姜大嶽之後也

杜姜姓之先為堯四
嶽。大音泰嶽音岳

山嶽

則配天物莫能兩大陳衰此其昌乎

杜變而象艮故知
當興於大嶽之後

得大嶽之權則有配天之大功故知陳必衰林山嶽之
大則興雲降雨有配天之功此亦以艮乾變卦互體言
凡天下之物莫能兩大陳國
衆微敬仲子孫其昌盛乎

及陳之初亡也

昭八年陳
楚滅陳

桓子始大於齊

杜桓子敬仲五
世孫陳無字

其後亡也

哀十七年
楚復滅陳

子得政

成子陳常也敬仲八世孫陳完有禮於齊子孫
世不忘德德協於卜故傳備言其終始卜筮者

聖人所以定猶豫決疑似因生義教者也尚書洪範通
龜筮以同卿士之數南蒯卜亂而遇元吉惠伯答以忠
信則可臧會卜僭遂獲其應丘明故舉諸懸驗於行
事若以示來世而君子志其善者遠者他皆效此

左傳杜林合注卷六